

23372
23373
23374

1. 23372
23373
23374


2. 23372
23373
23374

3. 23372
23373
23374

94.35
-97

891.99

4 - 71





Ի թ Ա

ԴԻՍՈՒՀԻ ԹՕԿԵՆՊՈՒՐԿԻ

Թ.Ա.ՐԳՒՄԱՆԵԱԾ Ի ԳԵՐՄԱՆԵՐԻՆ:

ԳԱԲՐԻԵԼ ԳՐԱՍԵՐԵԱՆ



Կ. ՊՈԼԻՍ

ՏՊԱԳՐՈՒԹԻՒՆ Գ. ՊԱՇԱՏԱԼԵԱՆ

(Արամեան)

1886

Ւ Թ Ա

ԴԻՍՈՒՀԻ ԹՕԿԵՆՊՈՒՐԿԻ

ԹԱՐԳՄԱՆԵԱՑ Ի ԳԵՐՄԱՆԵՐԵՆ

ԳԱԲՐԻԷԼ ԳՐԱՍԵՐԵԱՆ

معارف عموميہ نظارت جلیلستانیک فی ۹ ربیع سنہ ۳۰۳ و فی ۱ نیسان سنہ
۳۰۲ تاریخی و ۱۲۲ نومرسولی رخصتنامہ سیله طبع او لنشدر



Կ. ՊՈԼԻՍ

ՏԱՐԱԳՐՈՒԹԻՒՆ Գ. ՊԱՂՏԱՍԼԵԱՆ

(Արամեան)

1886

Զ Օ Ն

Ա.Ռ ՄԵԾՍՊԱՏԻՒ ՏԻԴՐԱՆ ԷՖԻՆՑԻ ԿԻՒՄԻՒՇԿԵՐՏԱՆ

Չեր. Մեծապատութեան յաւէս ողբացեալ առա-
փինի մօր անմահ յիշատակին նուիրել յօժարեցալք
սոյն փոքրիկ երկասիրութիւնս՝ որ բարոյավէալ մի է
հրահանգիչ, եւ որ կարէ ծառայել ազնուացընելու
եւ կրելու մեր օրիորդաց եւ կանանց սիրելեն, եւ
առաջնորդելու նոցա յասպարէզ առաքինութեան օ-
րինակաւ առաքինոյն իրայի :

Հետեւաքար Չեր բազմադիմի բարերարութեանց
շարքին մէջ մասնաւոր նշանակութիւն մը կոչուած
է ունենալ Չեր այս եռանդն, որով վառեալ էք ոչ
միայն զործելու յօգուտ մեր անօգնական, անկեալ,
աղքատ ազգայնոց, այլ եւ ի նպաստ նշմարիս դաս-
տիւակութեան :

Օրինեալ ծնողք որ ծնան զՉեզ. օրինեալ եւ Դուք
որ կրէք նշմարիս ազգասիրի մը զեղեցիկ յատկանիչը :

4955

Յ Ի Շ Ա Տ Ա Կ

ԱԶՆՈՒԱԶԱՐՄ ՄԱՐԻՆՈՍ ՏԻԿՆՈԶ

Կ Ի Խ Մ Ի Խ Շ Կ Է Ր Տ Ա Ն

Յո՞յր յիշատակ պարտ եւ վայել
էր ինձ արդեօֆ զիմ երկ ձօնել.
Սոամինւոյն վեհ իբայի
Զարմանալին վէպ սիրալի.
Յիշատակի՛ մօրլդ վըսեմ,
Անքիծ հոգւո՞յդ նում լուսանեմ.
Մօ՞րլդ բարւոյ նաջազարմի
Որդւոց բարեաց առամինի :

ԹԱՐԳ-ՄԱՆԵԶ



354-2004



Դ Ք Ս Ո Ւ Խ Ի Թ Օ Կ Ե Ն Պ Ո Ւ Կ Ի

ԳԼՈՒԽ Ա.

ԻՄԱՍՏՆԱԳՈՅՆՆ Ի ՔՈՐՍ ԻՒՐ

Երկուսսաներորդ գարուն մէջ Հերման եւ Ոթոն
առ Քիրքպէրկ անունով երկու զօրաւոր կոմսեր կը
բնակէին ամուսը դղեակ մը, իւլմէն քանի մը փար-
սախ հեռուն իլէրի եզրերուն վրայ:

Ասոնք երկու երեւելի իշխաններ էին իրենց
ստացած զինուորական փառքերովը, եւ մեծամեծ
առաքինութիւններով բարի օրինակ կը հանդիսա-
նային գերմանիոյ ազնուականաց եւ իրենց հպա-
տակացը:

Պատմութիւնը պահած է ասոնց անունը Պաղես-
տինի առաջին խաչակրութեան մասնակից եղող
գլխաւոր ասպետաց անուններուն հետ, որուն
ձեռնարկեցին քրիստոնեայ թագաւորներ փրկե-
լու եւ ազատելու համար այն սուրբ երկիրը որ

օրօրոց եղած է մեր աստուածային կրօնին :

Այս միջոցիս Գերմանիան ունէր Ս. Բենեդիկտոսի կարգէն բազմաթիւ վանքեր . այս բարեպաշտական հաստատութիւնները բաց էին ապաշխարել ուզող մեղաւորաց եւ անոնց առջեւ . որ կրած ըլլալով երկար վշտեր , կ'երթային առանձնութեան մէջ Աստուծմէ խնդրելու իրենց վշտերուն մոռացութիւնը կամ զանոնք մեղմացընելու կարող միակ մսիթարութիւնը :

Միջին դարուն մէջ կրօնաւորները գործիք եղան Նախախնամութեան ձեռքը զորս կը գործածէր գետինը արգասաւորելու եւ կենաց ամենակարեւոր պիտոյքը հայթայթելու արհեստը մարդոց սորվեցընելու համար : Ասոնք իրենց ձեռքը , մշակեցին ամայի եւ անմշակ երկրի մը ընդարձակ մասեր , եւ իրենց արդեանցը աւելորդէն առատ ողորմութիւններ կը բաշխէին , եւ այս բարեգործութեան առիթներով կը ջանային Աւետարանին աստուածային բարոյականը քարողելու ամէն անոնց՝ որ կուգային իրենց այցելելու եւ օգնութիւն խնդրելու :

Հերման եւ Ոթոն Ս. Երկիրը երթալնուն առաջ իրենց կալուածոց մէջ հաստատեցին քանի մը կրօնաւորներ՝ որոնց առաքինի եւ խստակրօն կեանքը խորին յարդանք մը ազդած էին իրենց . այս կերպով եղաւ Վիսլինկի աբբայարանին կիմնարկութիւնը , որն որ կանգնուեցաւ 1099ին եւ Երկարածիգ տարիներու շարունակութեան մը մէջ պահեց Քիրքակի կոմմերուն գերեզմանները :

Այս նորահաստատ վանքին առաջին բնակիչներն եղան Սեւ Անտառին մէջի Ս. Վլասիոսի վան-

քին կրօնաւորները : Քօսթանցայի Գեպար երրորդ եպիսկոպոսը աեղաւորեց զանոնք հոն , որ անմիջապէս սկսան կիմնադրին խոհական նպատակին հետեւելու , եւ իրենց աշխատութեամբը եւ Քրիստոնէավայել առաքինութեամբքը իսկոյն գրաւեցին իրենց շուրջը գտնուող գիւղացւոց յարդն ու վստահութիւնը : Իրենց հովանաւորութեամբը եւ ժրածան խնամքներով երկրագործութիւնը ծաղկեցաւ , եւ երկիրը արգասաւորութեան եւ նշանաւոր հարստութեան մը կերպարանքն առաւ :

Քիրքակի գլեակող ազնիւ գերդաստանը իր ցեղին փառաւորութեանը հետ կը միացընէր միանդամայն ժառանդական առաքինութեանց ամենաբարձր փառքը , այսինքն բարեպաշտութիւնն սրտի եւ երկիւղ Աստուծոյ :

Հերման Քիրքակի որդիքը՝ որն որ անդրանկութեան իրաւամբք ժառանդած էին կոմմութիւնը , ուրախութեան պատճառ էին իրենց ծնողացը : Բայց ինչպէս որ ընտիր ծաղկիներով լեցուն պարակէի մը մէջ կրնայ գտնուել ծաղկի մը՝ որ իւր գոյներուն պայծառութեամբը եւ բուրմունքին քաղցրահոտութեամբը կ'որոշուի բոլոր ուրիշ ծաղկիներէն , այսպէս ալ երեմն ազնիւ գերդաստանի մը մէջ՝ մասնաւոր կատարելութիւններով եւ չնորհներով առանձնաշնորհեալ զաւակ մը կը գտնուի . այսպէս էր երիտասարդ իթա իր քրյուրուն մէջ :

Պատմութիւնը չճառէր իր ծնողաց վարուց մանրամասն պարագաները , բայց իթայի դաստիարակութիւնը՝ որուն արկածները հասած են մինչեւ մեր օրերը , բաւական կ'ապացուցանեն

թէ որպիսի խնամքներով շրջապատեալ էր այն :

Հերման Քիրքպէրկ իր որդիքը կը համարէր իբրև թանկագին աւանդ մը՝ Աստուծմէ իրեն յանձնուած, կ'ըսէր երբեմն թէ, ընտանիքը նման է տընկարանի մը՝ որուն մէջ կը բողբոջեցնէ Աստուած փափուկ ընձիւղներ, զոր պարտական են ծնողք մշակելու ամենամեծ խնամքով, եւ պահպանելու ամէն վլունդաւոր ազգեցութիւններէ, մինչեւ որ ծաղկին եւ զարդանան այս աշխարհիս զարդն ըլլալու՝ եւ ամէն օր իրենց օրհնեալ կեանքէն առաքինութեան անուշահոտութիւններ բուրելու համար :

Իթա իւր երիտասարդութենէն սկսեալ ընդունած էր իր սրտին մէջ մայրական գորովյ քաղցր խրատները. եւ աղայութեան խաղերուն հետ իր մօրը քով սորված էր իր սեռին վայլած գործքերը որք վերջը պիտի զբաղեցնէին զինքը :

Տասնեւհինդ տարեկան հասակին մէջ արդէն գիտէր իլ դարձնել, ասեղ գործածել եւ հիւսուածներ չինել, շատ անդամ դղեկին մառանին մէջ ինքը կը պատրաստէր այն փափուկ եւ համադամ կերակուրները՝ որով կը զարդարուէր սեղանը ընտանեաց աօնի օրերը, եւ երբ երեւելի օտարականներ հիւրընկալութիւն կ'ընդունէին կամ հրաւիրուած կը գտնուէին պաշտօնական խնջոյքներու : Այսպէս անցան այս երիտասարդ աղջկան առաջին տարիները, ուսման եւ իր հասակին աշխատութեանցը մէջ որ կը զարդացընէին իր դաստիարակութիւնը. մինչդեռ միւս կողմէն ալ կրօնքը իր սրտին մէջ կը քանդակէր իւր թանկագին խրատ-

ները, որոնք օր մը կանոն եւ մսիթարութեան նեցուկ պիտի ըլլային իրեն :

«Սիրելի աղջիկ, կը կրկնէին անդադար իր բարի ծնողքը, ամէն ինչ որ կ'ընդունիս մեղնէ, մենք զայն ստացած ենք Աստուծոյ անսահման բարութենէն՝ որ մեր երկնաւոր Հայրն է, ուստի պարտական ես գու կենացդ մէջ ամէն օր սիրոյ եւ փառաբանութեան աղօթքներ ուղղել Անոր, որպէս զի իւր օրհնութիւնը երբեք չէեւանայ վրայէդ» :

Իթա կը սիրէր պատմել տալ մեր Աստուածային Փրկչին պատմութեան գլխաւոր կէտերը. կ'ըսէին իրեն թէ Բնչչպէս Յիսուս աղայութեան ատեն օրինակ եղաւ անմեղութեան, հնազանդութեան եւ բարեպաշտութեան թէ Բնչչպէս չափահաս եղած ատեն կը սորվեցընէր մարդոց, իրենց յաւիտենական Հօր մատուցանել երախտագիտութեան եւ սիրոց վայելուչ պաշտօն, եւ սուրբ կեանքի մը բարի գործերովը արժանանալ երկնից մէջ ընտրելոց խոստացեալ երանութեանց :

Իթա կ'ամփոփէր այս ամէնը իր սրտին մէջ, եւ կը ջանար համաճայնեցընել իր կեանքը Փրկչի աստուածային պատմուէրներուն :

Վիսլինկի կրօնաւորաց արգոյ երէցը՝ որ Քիրքպէրկի մատուանապետութեան պաշտօնը կը վարէր, ինքը մլրտեր էր զիթա. վերջը գարձեալ ինքն յանձն առաւ անոր Քիրիստոնէական կրթութիւնը՝ որ գեղեցիկ պատուղներ ընծայեց, նմանապէս ինքն եղաւ որ երիտասարդ աղջիկը պատրաստեց Ս. Հազրդութեան խնջոյից, եւ երկնային օրհնութիւններ հրաւիրեց իր ամուսնութեան վրայ :

Իթայի պատմութիւնը՝ որուն յիշատակները պիտի նկարագրենք այժմ, յայտնի ապացոյց մըն է Նախախնամութեան, որ անդադար կը հսկէ մարդկային ճակատագրաց վրայ, որ զամէն բան ի լաւ անդր կը շրջէ անոնց համար՝ որ հաւատարիմ կը մնան Աստուծոյ։ Մարդո՛ ինչ որ ալ ըլլայ իր տկարութիւնը եւ դիւրաբեկութիւնը, կը դիմադրէ կենաց ամէն փորձութիւններուն. միայն թէ վստահութիւն ունենայ Երկնից օգնութեան, եւ աստուծածային կամաց հապատակութեան մէջ վնասոէ իր ոյժն ու զօրութիւնը։

Իթա իր տղայ հասակէն կատարեալ օրինակ եղաւ բարեկաշտութեան եւ աստուծածային երկիւղի. կամէր չնորհօք եւ խմաստութեամբ, եւ եթէ ընդունած էր յերկնից ամենամթանկագին պարգեւ մը իր ծնողաց իրեն տուած քրիստոնէական դաստիարակութեամբը, ծնողքն ալ կ'ընդունէին իրենց ինամոց եւ գորովց քաղցր վարձքը այն օրհնութեանց մէջ զօրս Աստուծած կը համէր սփուել այս բարեկաշտ աղջկան վրայ։

ԳԼՈՒԽ Բ.

ԱՄՈՒՍՆՈՒԹԻՒՆ

Որովհետեւ արժանաւորութիւնն ու առաքինութիւնը երբէք անծանօթ չեն կրնար մնալ, ուստի իթայի զարմանալի կատարելութիւններն ալ

իսկոյն նիւթ եղան բոլոր երկրացւոց զարմացմանը։ Թօկէնալուրկի երիտասարդ Հենրիկոս կոմսը լսելով երիտասարդ Իթայի արժանաւորութիւնը հռչակող գովեստները, Հանօ կոմսին 1197 թուին Քոլոնիայի մօտ տուած նիզակախաղութեան ատեն, նոյն վայրկենէն խնդրէր էր Աստուծմէ որ զանի իրեն կին չնորհէ։

Նիզակախաղութենէն քիչ օր ետքը Թօկէնալուրկէն Քիրքապէրկ գնաց, որպէս զի իր աչքովը ստուգէ բոլոր լսածներուն ճշմարտութիւնը եւ զանի իրեն ամուսին խնդրէ։

Հենրիկոս կը սերէր երեւելի ցեղէ մը՝ որն որ անյիշտակ ժամանակներէ ի վեր ստացած էր Թօկէնալուրկի կալուածը. իւր դղեակը շնուռած ըլլալով լեռան մը վրայ, գեր ի վերոյ կը բարձրանար Ֆիչնէնի երեւելի վանքէն, ուր քիչ հեռուն կը բնակէին աղնիւ աղջկունք, որ հրաժարած աշխարհէի ամէն հանդէսներէ, առանձնութեան մէջ Աստուծոյ նուիրած էին ինքըզինքնին։

Իթայի ծնողքը Երիտասարդ ասպետին ամենապատուաոր ընդունելութիւնն մը ըրին. իր վարմունքը, եւ իւր խոնարհութիւնը իսկոյն գրաւեցին անոնց յարգանքը ու սէրը. իր աստիճանը եւ տարիքը ընաւ արգելք մը չը յարուցանելով այսպիսի մերձակայ խնամութեան մը հնարաւորութեան, գժուարին չեղաւ իրեն երիտասարդ աղջկան հաւանութիւնն ստանալ այս միութեան համար՝ որ երկու ընտանեաց իղձն ու փափաքը ւըրացնել կը թուէր։

Քիչ ժամանակ վերջը նոյն իսկ այս 1197 տար-

ւոյն ընթացքին մէջ չենրիկոսի ամենասիրելի իղձերը պսակուեցան, եւ իր հարսանիքը կատարուեցաւ Քիրքալէրկի դղեկին մատուանը մէջ ամենայն փառաւորութեամբ։

Սյս արարողութեան օրը չենրիկոս իր կենաց ընկերոջ ընծայեց ոսկի մատանի մը մեծագին ակունքներով զարդարուած։ Ամուսնութեան նուիրագործած այս անքակտելի միութեան նշանը պէտք էր իրեն յիշեցնել այն անբոնաբարելի հաւատարմութիւնը եւ հաստատուն սէրը՝ որ միայն կ'ամակովեն քրիստոնեայ ամուսիններու երջանկութիւնը։

Երբ այս տօնի եւ փառաւորութեան օրերէն վերջը բաժանման ժամը հասաւ, Թօկէնպուրկի երիտասարդ կոմունին իր ամուսնոյն հետեւելու համար, խորին վշտիւ զգաց իր սիրելի ծնօղքէն, իր սիրելի քոյրերէն՝ զորս չափազանց կը սիրէր, եւ տանը բոլոր ծառաներէն բաժնուելու հարկաւորութիւնը, որոնք իր ծնունդը տեսեր եւ տղայութեան ատեն իրենց բազկացը մէջ կրեր էին զինքը։ Տիտուր հայեցուածք մը արձակեց այն գեղեցիկ տեղեաց վրայ՝ ուր այնչափ քաղցրութեամբ անցած էին իր առաջին օրերը, իր մանկական խաղուց եւ իր ծնողաց գորովց եւ սիրոյ ցոյցերուն մէջ։

Սակայն կրօնքը՝ որ միտիթարութիւններ կ'ընծայէ իրմէ միսիթարութիւն բնաւոր բոլոր վշտերուն, կրօնքը օգնութեան հասաւ իթայի՝ իր բաժանման տիրութիւնները ամորելու համար։ յիշեցուց իրեն որ Աստուծոյ որդիքը ամէն տեղ հետերնին կը տանին իրենց երկնաւոր Հօր օրհնութիւնները, եւ այս

կարճատեւ կենաց վորձութիւնները արիութեամբ եւ համբերութեամբ կրենուն վերջը կ'ակնկալեն յաւիտեան երկնից մէջ միանալու։

ԳԼՈՒԽ Գ.

ՆԵՐՔԻՆ ԿԵԱՆՔ

Իթան միտքը պահած էր այն սուրբ խօսքերը՝ զորս ամուսնութեան օրը քահանայն խօսած էր իրեն, հնազանդ ըլլալ պատուիրելով իր ամուսնոյն ինչպէս որ Եկեղեցին հնազանդ է Յիսուսի Քրիստոսի իր աստուծային գլխոյն։ Իր սրտին մէջ անդադար կը յիշէր այս պատուէրը՝ որ ամուսնութեան բոլոր սպարտականութիւնները գլխովին կը բովանդակէ, եւ որովհետեւ արդէն կատարած էր իր որդիական հնազանդութեան պարտիքը, ուստի գծուար չեղաւ իրեն սովորիլ ամուսնական հնազանդութեան՝ իր ամուսինն ալ իր հետ կը վարուէր ամէն տեսակ ակնածութեամբ եւ սիրալիր պատուով։ իր ամենափոքր փափաքները քաղցրութեամբ եւ զգուշութեամբ կը յայտնէր, եւ անկէ միայն արդարացի, օգտակար եւ դիւրակատար բաներ կը պահանջէր։

Սակայն չենրիկոս իւր հազուագիւտ կատարելութեանցը հետ շատ խիստ բնաւորութիւն մը ունէր. յաճախ կը պատահէր իրեն բարկանալ եւ սըստմիլ զայրագին, որուն վրայ վերջը թէպէտ եւ

ամօթապարտ կ'ըլլար շուտով, սակայն դիմացինին
համար դժուարահանդուրժելի կէտեր էին ասոնք :

Իթա դիւրաւ հասկըցեր էր անոր այս բռնութեանց հակամիտութիւնը եւ շատ վիշտ կ'իմանար, բայց իւր ամուսնոյն համար ունեցած անձնուէր սէրը պարտաւորեալ կը տրամադրէր զինքը համբերութեան. խոհեմութիւն կը համարէր զիջանիլ այն վաղանցիկ ցասմանց քան թէ անոր բնաւորութիւնը զայրացնել կրիւներով եւ հակառակութիւններով. ուստի որոշեց կրկնել իւր ջանքերը, երիտասարդ կոմին ցասկոտ տրամադրութիւնները քաղցրութեամբ հանգարտեցնելու :

Երբ բարկութիւնը կ'սկսէր որոտալ, կը ջանար առաջքն առնուլ եւ վեստները մեղմել, եւ հրեշտակային համբերութեամբ կը հանդուրժէր իրեն համար ծագած վշերուն :

Մասնաւորապէս ամուսիններու կը վերաբերին այն զարմանալի խրատները՝ զորս Պօղոս առաքեալ տուած է ամէն մարդոց. ասոնք պարտական են համբերել փոխադարձ թերութեանց, եւ այսպիսի վարմունքով մը կատարել Աւետարանի այն աստուածային պատուէրը՝ որ կ'ըսէ քրիստոնէից « սիրեցէք ձեր ընկերը ձեր անձին պէս, եւ ըրէք առնոնց ինչ որ կուզէք որ ընեն ձեզի համար » :

Իթան մտքէն ամենեւին չէր հեռացընէր այս կանոնը, ուստի իր ներքին կեանքն ալ սակաւ ցաւալի ժամեր կ'ունենար Աստուծոյ իրեն չնորհած խաղաղութեան եւ երջանկութեան օրերուն մէջ. կ'ապրէր իր ամուսնոյն հեա կատարեալ անձնութեամբ՝ մէկուն ուզածը միւսին ալ ուզածն էր,

ասիկա ակնածութեանց եւ բարի ծառայութեանց շարունակեալ փոխանակութիւն մըն էր. այսպէս աշխարհի աղմկալից զուարձութիւններէն հեռու իրենց առանձնական դղեկին մէջ խաղաղական երանութիւն մը կը վայելէին. եւ եթէ չենրիկոսի ճակատը աղօտանար խոժոսութեամբ, բարին իթագիտէր այն ամպը փարատել իր սիրալիք հայեցուածքով եւ զուարթ խօսքերովը. եւ Չենրիկոս կը ժամէր եւ երախոտագէտ կ'ըլլար անոր այս շընորհաց եւ սիրալիքութեան համար :

Այս երջանկութեան մէջ երկուքին համար ալ քաղցր էր յիշել թէ պէտք է անդադար փառք տալ Աստուծոյ իւր նախախնամութեան մեզի շընորհած բարութեանց համար :

Ծունկի գալով երկուքն ալ իրարու քով ամէն օր ներկայ կը գտնուէին սուրբ արարողութեանց, եւ հանդիսաւոր տօներու Ֆիշէնկէնի Արբայրանը կ'երթային՝ զոր Թօկինալուրկի կոմսերուն գերդաստանը օժտած էր մեծամեծ բարեօք :

Իթա շատ անգամ Օյի սուրբ Աստուածածնի ուխտատեղին կամ հաւատացելոց մեծարանօքը նուիրագործեալ ուրիշ տեղեր կ'երթար. լուսաւորեալ բարեպաշտութեան մը գործերուն մէջ կը վընտուէր իր ամուսնական պարտականութիւնները կատարելու եւ գուցէ Աստուծոյ իրեն խրկել ուզած թշուառութեանց քրիստոնէական հաստատամութեամբ հանդուրժելու հարկաւոր եղած զօրութիւնը :

Երբեմն ինքովնքը երկար խորհրդածութեանց կուտար իր աղօթարանին մէջ առանձնակի, մանա-

ւանդ երբ վիշտ մը կամ հոգ մը կրած կ'ըլլար ։
վասն զի այս վաղանցուկ վիշտերը իր սրտին մէջ
կ'ամփոփէր եւ միայն Աստուծոյ կը յայտնէր իր ա-
ղօթքին մէջ, նոյնակէս վիալէնկի թենեդիկտեանց
արգոյ երէցին՝ որն որ միջոց միջոց իրեն այցելու-
թեան կուգար իր վաղեմի սիրոյն խրառները իրեն
բերելու :

ԳԼՈՒԽ Դ.

Դ Ս Մ Ի Ն Ի Կ Ո Ս

Հենրիկոսի հսկատակներն ու ծառայները իրենց
տիրոջ համար ունեցած հաւատարիմ սիրոյ եւ յար-
դանաց հակառակ շատ անդամ կը տրտնջային անոր
ցասկատ բնութեանը համար՝ որով երբեմն կ'անի-
րաւէր իրենց դէմ. սակայն իթայի հետ ըրած ա-
մուսնութիւնը յոյս տուած էր իրենց որ բերդա-
բնակ իշխանութիւն պաշտպան կ'ըլլայ իրենց. ծա-
ռայները այս միփթարիչ մտածութեամբ լցուած
դիմաւորելու գացէր էին զինքը դղեկին առջեւն
եղած ճամբուն վրայ, եւ բոլոր մերձակայ բնակիչք
խոնած էին անոր անցնելիք ճամբուն վրայ :

Այս բարի մարդիկը իշխանութիւն աեսածնուն
պէս ապահով եղան թէ իրենց բոլոր իզեները պիտի
պատկուին. վասն զի երիտասարդ կոմսուհոյն շը-
նորհալի դէմքին վրայ դրոշմուած էր քաղցրու-
թիւն, անմեղութիւն եւ բարեկամաշութիւն, որով
զարդարուած էր իր հոգին. իրենց ըրած բարե-

մաղթութեանց վոխարէն ուղղած սրտաշարժ շնոր-
հակալութիւնները եւ ամուսնոյն իրեն տուած
հրապարակային սաստիկ սիրոյ նշանները ապագա-
յին համար բարի գուշակութեանց իրաւունք կու-
տոյին :

Իսկոյն իթա կոմսութեան բոլոր բնակչաց հա-
մար ճշմարիտ մայր մ'եղաւ. միշտ պատրաստ միփ-
թարելու եւ օրհնելու զանոնք՝ որ կը խնդրէին իր
պաշտպանութիւնը կամ կը հայցէին՝ իր օգնակա-
նութիւնը՝ յայտնելով իրենց վիշտերը :

Իթա գեղեցիկ իշխանութիւն մը կը բանեցընէր
կոմսին վրայ. միով բանիւ, մէկ նայուածքով կը
յաջողէր անոր բնաւորութեան սաստկութիւնը
զսպելու, եւ բարկութեան շարժած ատենը՝ ինչ որ
աւ ըլլային անոր պատճառները, կը ջանար վնաս-
ները մեղմել եւ ժամանակ տալ խորհրդածութեան՝
թշուառութեանց առաջքն առնելու համար :

Սն ատեն Հենրիկոսի վեհանձն եւ բարի սիրալ
ազնիւ տիրութիւն մը կ'ստանար իր կրթցը վրայ,
եւ եթէ անիրաւութիւն մը գործած էր, կը փու-
թար անոր դարման մատաւցանելու. շատ անդամ
իթայի բարեխօսութիւնն էր որ կ'ստանար յան-
ցաւորաց պակասութեանց ներուղութիւնը կտմ ա-
նոնց պատժոց թեթեւութիւնը, մանաւանդ թէ
անձնուէր կը գտնուէր այն բարի ընտանեաց՝ որ
կարօտութեան մէջ կը տառապէին թշուառութեամբ :

Թօկէնպուրիկի կոմսը սիրով կը միանար իր ա-
մուսնոյն օգնութեան համանելու համար այն գաղա-
նի վշտերուն՝ զորս պէտք էր երթալ վնասուել գըտ-
նելու համար :

Թօկէնպուրիկ աղնիւ լշխանները գիտէին որ հարուստները պարտական են Աստուծոյ պատկերն ըլլալու աշխարհի վրայ, եւ թէ ողորմութիւնն է Յիսուսի Քրիստոսի օրէնքը կատարելու լաւագոյն միջոցը. որն որ կըսէ թէ « իր անունովը տրուած գաւաթ մը չուրն ալ պիտի գտնէ երկնից մէջ իր վարձքը » :

Երբ Իթայի ծնողքը իրեն այցելութեան կուգային, ասոնց գալուսալ միշտ մեծ ուրախութեանց առիթ կըլլար : Երկու ընտանիքները միացած չնորհակալութիւններ կը մատուցանէին Աստուծոյ՝ իրենց վրայ սփուած չնորհաց համար . եւ եթէ թեթեւ փորձութիւն մը վշտացընէր զիրենք, համբերութեամբ կ'ընդունէին զայն, հպատակելով նախախնամութեան կամաց՝ որն որ ամէն բան կը անօրինէ մարդոց աղէկութեանը համար :

Իթա կարելի եղածին չափ աւելի կ'երկարաձգէր այս այցելութիւնները՝ որ իրեն այնչափ երջանկութիւնն կը պատճառէին, եւ իր ծնողքը տուն կը գառնային միշտ համոզուած՝ որ իրենց սիրելի աղջիկը փափաքելու բան մը չունի աշխարհի վրայ . բայց սիրտի գար ժամանակ մը որ ճշմարիտ տարաքաղդութիւններ պիտի սորվեցնէին երիտասարդ կոմուհւոյն թէ ո՞չայի վաղանցուկ եւ կորստական են այս կենաց ուրախութիւնները :

Աստուած որ լաւագոյն հայր է մահկանացուաց, կը փորձէ արդարոց սիրալ գառն վշտերով, որպէս զի առաջնորդէ անոնց հանդերձնեալ կենաց յաւիտենական երանութեանց, համբերութեան եւ անձնուրացութեան միջոցաւ :

Իթա յատկացած էր դառնութեան բաժակը բոլորովին քամելու :

Հենրիկոսի ծառաներուն մէջ Դոմինիկոս անունով խտալացի մը կար. այս մարդու օժտեալ հաճելի տեսքով մը, մասնաւոր ճարտարութիւն մը ունէր շողոքորթութեամբ իր տեարց չնորհքը որսալու հրապուրիչ եւ խարէտական երեւոյթներու տակ կը ծածկէր վաստի եղած հոգի գերի եղած հոգի մը . ուստի գարշելի խորհուրդ մը յշացաւ Իթա կոմսուհւոյն իրեն յայտնած վստահութեամբ եւ յարգանօքը զեղծանելու :

Իթայի սիրուը այնչափ մաքուր էր որ չէր կը նար գէշութիւն մը ենթագրել. եւ բոլոր իւր մերձակայից առաքինութեանը եւ անձնութեանը վրայ համարում ունէր :

Դոմինիկոսի եղեռնական խորհրդոց վրայ կամկածիլ սկսած օրէն չուզեց բան մը յայտնել իր ամուսնոյն, որպէս զի պատճառ չըլլաց այս թշուառականին կորստեանը, եւ ժամանակ տայ զղալու . եւ այնուհետեւ բաւական համարեց խիստ կերպարանք մը առնելով յարգական հեռաւորութեան մը մէջ կեցընել զանի :

Դոմինիկոս սկսաւ կեղծաւորել, եւ դիպուածը առիթ տուաւ իրեն՝ աղնիւ Տիկնոջ առաքինութեանը գպչելու :

Իրիկուն մը երբ տօնահանդէսէ մը կը վերադառնային, եւ Իթա միայնակ կ'ընկերանար Դոմինիկոսի այն ճամբուն վրայ՝ որ Թիգէնիէնի վահքէն Թօկէնալուրկի գեղակը կը տանէր, համարձակեցաւ այնպիսի բռնութիւններ ընել իւղձ կոմ-

սուհւոյն՝ որոնցմէ անհնար էր ազատիւ առանց
Ասոււծոյ յայտնի պաշտպանութեանը :

Արձակած ճիշերէն եւ աղաղակներէն՝ զինեալ
մարդ մը յարձակեցաւ ճամփուն երկու կողմը չըր-
ջապատոլ անտառէն. ասիկա Քիւնօն էր Հենրիկո-
սի զինակիրը, որ որսի ելած ըլլալով ուշացեր, եւ
Նախալսնամութիւնը այն աեղուանքը բերեր էր
զինքը :

Դոմինիկոս գետին կործանած՝ քաջ զինակին
ձեռքով պիտի սպաննուէր, եթէ բարի կոմսուհին
չաղաչք անոր՝ թողուլ այս վրէժխնդրութիւնը,
եւ տեսածը լնաւ չըյայտնել կոմսին. կոմսուհին
յաւելցուց թէ հարկ էր իրեն ներել անոր, Աս-
տուծոյ ներողութեանը արժանանալու համար, եւ
թէ որոշած էր Դոմինիկոսի թշնամանքը մառնալ,
միայն թէ այն ալ իր պակասութիւնը քաւէր ճըշ-
մարիտ զլջմամբ :

Քիւնօ զարմացած այսպիսի վոտանդաւոր ներո-
զամտութեան մը վրայ, խոստայտ հնազանդիլ
կոմսուհւոյն. իսկ Դոմինիկոս կեղծաւոր կերպերով
իթայի ոտքն ինկաւ, եւ արտաստալից աչօք եւ
կեղծ երախտագիտութեամբ չնորհակալ եղաւ այս
իրեն չնորհուած ներողութեան համար :

Սակայն Դոմինիկոսի սիրտը ոչ զիղջ մոտած էր
եւ ոչ ապաշաւ. վրէժխնդրութեան գարշելի խոր-
հուրդ մը տիրեց մոքին, եւ որոշեց ամէն կարելի
միջոցներ որոնել այս քաջ զինակին եւ իր խիստ
մեհանձն տիրուհւոյն կորուստը նիւթելու համար :

ԳԼՈՒԽ Ե.

ԱՌԱՋԻՆ ՏԽՐՈՒԹԻՒՆՆԵՐ

Այս գէպէս վերջը իթա բնաւ չփոխեց Դո-
մինիկոսի նկատմամբ ունեցած վարմունքը, առաջ-
ուան պէս պատուով եւ արժանաւորութեամբ կը
վարուէր հետո՞ ծածկելով այս մարդուս իրեն աղ-
դած արհամարհանքը, թէ անոր գղջման արգելք
մը ըլլալու եւ թէ խիստ արդարացի պատուհասէ
մը զինքը խնայելու համար :

Քիւնօ աւելի դժուարութիւն կ'զգար իր ար-
համարհանքը ծածկելու համար. բայց կոմսուհւոյն
ստիպողական հրամանները յորդորեցին զինքն
դարձեալ կեղծելու, եւ կոմսը բոլորովին անդի-
տացաւ այս անօրէնութեան գաղտնիքը :

Սակայն Դոմինիկոս խիստ գիտեց իթայի առ-
քիւնօ ցոյց առած յարդանքը, եւ նախանձու
մոօք երեւակայեց դժոխային խորհուրդ մը՝ որ մի
եւ նոյն անդամնդին մէջ գահավէժ պիտի կործա-
նէր այս երկու էակները միանդամայն :

Նախ եւ առաջ իր տիրոջ իրեն համար ունե-
ցած անսահման վստահութենէն առիթ առնելով,
ճարտարաբար կասկածելի խօսքերով եւ կերպերով
անոր սրտին մէջ մացուց անիրաւ նախանձու մը
սերմերը :

Այս աղետաբեր մատածութիւնը կոմսին սրախն
մէջ մէկ անգամ արմատ ձգելով, այն ազնիւ եւ վե-
հանձն սրտին մէջ՝ զոր ըրջապատած էր իթա այն-
չափ սիրով, բաւական էր այնուհետեւ Դոմինիկոսի՝

իր գործը շարունակել ճարտար կեղծաւորութիւններով :

Եւ որովհետեւ վստահ մարդ մը ամէն բան նըպաստաւոր աչքով կը դիսէ , եւ ճշմարիտ պակասութիւններն ալ ըստ կարելոյն կը թեթեցնէ , այսպէս ալ նախանձու մարդը ամէն տեղ զինքը զարհուրեցընող չարիքներ կ'երեւակայէ . յանիրաւի կը մեկնէ ամենէն աննշան գործերը , եւ ամենամաքուր խորհուրդներու մէջ անգամ կշտամբելի վարժունքի մը ամենայայտնի ապացոյցներ կը նշմարէ :

Դոմինիկոս լաւ յաջաղեցաւ իր անիծեալ խորհրդոց մէջ , եւ խակոյն ամէն մարդ դիտեց Հենրիկոս կոմսին՝ իթայի համար ունեցած վարժունքին մէջ եղած փոփոխութիւնը :

Հենրիկոս՝ որ երբեմն այնչափ ուշադիր եւ սիրուն էր , ցուրտ եւ չարագուշակ դգուշութիւն մը ձեռք առաւ . իր խօսքերը հրամայական եւ հատուէին , եւ իւր հայեցուածքը կը խուսէին իր ամուսնոյն աչքերէն՝ որն որ քիչ առաջ այնչափ սիրելի եղած էր :

Իթա՝ այս քաղցրութեան եւ ճշմարտութեան հրեշտակը , որուն անրիծ հոգին օտար եւ հեռի էր ամէն ստախօսութենէ եւ խարէութենէ , չէր գիտեր թէ ի՞նչ բանի ընծայէ Հենրիկոսի այս բռնաւորական ընթացքը . շատ անգամ առանձնութեան մէջ կ'անցընէր անձկութեան եւ տիրութեան ժամեր . միայն Աստուծոյ կը գանգատէր եւ միայն առօթքի մէջ կը վնասէր միմիթարութիւն եւ ափոփում . իր խղճին վկացութիւնն էր եղած իր միակ գանձը :

Համբերութեամբ կը հանդուրժէր իր վշտացը , բայց այն տիսուր հոգերը՝ որով պաշարուած էր իր ամուսինը , սաստիատանջ վիշտ մը կը պատճառէին իրեն . վասն զի իւր քաղցր եւ միրուն խօսքերն ալ չէին մտներ այն սրախն մէջ ուրկից վստահութիւնը տարագրեալ էր գլխավին :

Նոյն իսկ Աստուած՝ որ որոշած էր ամենախիստ վիշտերով փորձել իթայի առաքինութիւնը , որպէս զի յաղթանակը օր մը աւելի փառագորութեամբ փայլի , գոգցես հեռացած կը թուէր անկէ , եւ կը թողուր որ չարերուն խորհուրդները կատարուին . ահա այսպէս խեղճ երիտասարդուհիս տեսաւ իր ամուսնական երջանկութեան խորտակիլն ու ջնջուիլը այն թշուառականին ձեռօք՝ որն որ իւր կեանքը իրեն ներողամտութեանը պարտական էր :

Դոմինիկոս դժոխային խնդութեամբ կը հետեւէր իր հնարած չարեաց պսակմանը , եւ միայն մէկ առիթ մը կը բնառէր իր վրէժխնդրութեան նպատակին հասնելու համար :

ԳԼՈՒԽ Զ.

ՈՍԿԻ ՄԱՏԱՆԻ

Գարնան գեղեցիկ առտու մը իթա որ չէր կըրցեր ննջել իւր տիրութիւններէն , արշալուսոյ ծագմանը ելեր բացեր էր իր սենեկին պատուհանները , ուրկից իր հայեցուածքը կը տարածուէր հեռուն շըքեղ գաշտերու վրայ :

Արտերը, ծառերն ու մացառները զգեցած էին իրենց կանաչագեղ զարդերը. մէկ քանի ծառեր կորոշուէին ասոնց մէջ՝ ծագող արեգական ճառագայթներուն առջեւ տարածելով իրենց ծաղկանց փայլուն հունձերը:

Հազարաւոր թռչուններ իրենց զուարթ երգերով կողջունէին բնութեան այս ուրախ զարթումը, եւ իրենց քաղցր նուագներովը կը հոչակէին Արարձն գովեստները:

Այս վեհափառ տեսարանը սասափիկ շարժեց կոստուհոյն զգայուն սիրտը, եւ ծունդ կրինելով ձեռքերն ու հայեցուածքը բարձրացուց գէպ ի երկնք՝ անոր օգնութիւնը հայցելու համար:

Վերջը բանալով իւր գեղեցիկ զգեստները եւ ամուսնական զարդերը պարունակող քանդակագործեալ մէծ գղրոցները, սկսաւ մելամաղչոտութեամբ մտածել այն երջանիկ օրերը՝ զորս այս իրերը իրեն կը յիշեցընէին:

Կը բանար եւ կը կախէր մետաքսեայ եւ ոսկեմամուկ շրջազգեսանները, եւ բաց պատուհաններու քով գրուած երկար սեղանի մը վրայ կը տորածէր իր թանկագին գոհարեղինները՝ որոնց ցոլացումները ճաճանչներ կարձակէին արեւուն ճառագայթներուն մէջ.

Իր հսցեցուածքը դիպուածքով գարձան այն մտանիին վրայ՝ զոր ընդունած էր իր ամուսինէն իւր հարասնեաց օրը, եւ սիրտը փողձկեցաւ իր կորուսեալ երջանկութեան յիշատակովը:

Բայց իւր խիղճը մաքուր էր. կրնար առանց ամօթոյ նկատել այս զորովց եւ հաւատարմութեան

գրաւականը. վասն զի որբազէս կատարեր էր իր ամուսնական պարտիքը. ուստի այն մոածութիւնս մէծ միսիթարութիւն մըն էր իրեն. եւ յանձնելով իւր ապագայն Աստուծոյ ձեռքը, նոր քաջալերութիւն եւ յոյս զգեցաւ իր սրտին խորը:

Այս միջոցիս իրեն ծառայող լիներէն մէկն եկաւ խմացընելու որ խեղճ օտարական կին մը կը խնդրէր զինքը աեսնել. ըսել էր որ աղէկութիւնն մը կար ընելիք. իթա խկոյն ամէն բան թողուց, ելաւ գուրս եւ խնամով գոցեց սենեկին դուռը:

Երբ սենենակը գարձաւ եւ տեղը դնել ուզեց իր գոհարեղինները, տեսաւ որ ամուսնական մատանին աներեւոյթ եղեր էր. զայն գտնելու համար ըրած բողը հետազօտութիւններն ընդունայն եղան. եւ վախնալով որ եթէ այս կորստեան խօսքն ընելու ըլլայ, կոմիին նախանձու կասկածանքը կրնան այս դէմքս յանցանք մը համարիլ իրեն, մտածեց որ աւելի լաւ էր լուել քան թէ դժոնութեան եւ խստութեան անօգուտ տեսարան մը յարուցանել:

Ի՞նչ եղեր էր արդեօք այս մատանիս՝ որուն կորուսար այնչափ աղետարեր պիտի ըլլար իթայի:

Լեռը ծածկող անհուն անտառին մէջ, որուն վրայ կը բարձրանար թօկէնալուրիկ գղեակը, կը ընակէին այնչափ բազմաթիւ ագռաւեներ՝ որ անոնց անունն առած կը կոչուէր ուապինարայն այսինքն յար ագռաւուց. այս թոչուններէս մէկը՝ որոնց փայլուն մետաղաց համար ունեցած այլանդակ ճառագայլուն մաքուածք համար ունեցած այլանդակ ճառագայլ պատուհաններուն առջեւէն անցնելով, մինչդեռ

գոհարեղէններն արեւուն մէջ կեցած էին, բնական ձրիւք առաջնորդեալ մօտեցաւ անոնց, եւ զինքն հեռացընող մէկը ըլլալով հոն, բերնին մէջ առաւ ոսկի մատանին եւ արտորնօք թռաւ դէպ ի իւր բոյնը:

Քանի մը օր վերջը Քիւնօ զինակիրը Ռապէնսթայնի անտառն երթալով երկար ատեն թափառեցաւ առանց ամենափոքր որս մը գտնելու. ուստի բարձր ծառի մը վրայ դրուած ագռաւի մը բունին տակէն անցնելու ատեն, առ ի չգոյէ լաւագունի, վեր ելու ձագերը ժողվելու համար. բունին տակը փայլուն բան մը գտաւ. ասիկա մեծագին ակունքներով զարդարուած ոսկի մատանի մ'էր:

Քիւնօ սքանչացած այս թանկագին գիւտիս վրայ, մատանին մատը դրաւ, եւ դղեակը դառնալով ամէն բանէ առաջ իւր այս բազդը պատմեց իւր ընկերաց. ասոնք ալ իրենց պարզութեամբը բնաւ կասկած մը ընկելով կը նախանձէին Քիւնօյի այս երջանկութեան եւ բազդաւորութեան վրայ:

Ասոնց միաքը չեկաւ պարտականութեան իրենց պատուիրածն ընել. վասն զի գտնուած որ եւ է բան մը միշտ մէկու մը կը վերաբերի. եւ ներեալ չէ մէկու մը զայն իրեն սեպհականնել անոր օրինաւոր տէրը գտնելու համար ամէն հնարաւոր միջոցները ձեռք առնելէ առաջ:

Դոմինիկոս ալ միւսներուն պէս ներկայ ըլլալով զինակիրն այս պատմութեանը, ուզեց մատանին տեսնել, եւ աղէկ մը ստուգելով որ կոմսուհւոյն մատանին էր այն, տուաւ Քիւնօյի առանց բան մը ըսելու, այն ալ մատը դրաւ իբրեւ զարդ:

Նոյն օրը Դոմինիկոս մօտեցաւ իր տիրոջը Խոնարհ եւ ախուր կերպով մը. չեմ գիտեր, Գերապատիւ Տէր իմ, ըստ, թէ ինչպէս համարձակիմ ձեզի հաղորդելու շատ կարեւոր բայց միանգամայն խիստ ցաւագին լուր մը:

— Ի՞նչ կայ, ըսէ՛, շնւտ, աղաղակեց կոմսը.

— Որովհետեւ այնպէս կը պահանջէք, պատասխանեց նենդաւորը, ուստի պարտիմ խոստովանիլ ձեզ թէ մի գուցէ Տիկին կոմսուհին Քիւնօյի Ենծայած ըլլայ նուէր մը՝ որուն ստացումը թշուառական ծառայի մը ձեռքը կրնայ անպատուիչ կասկածանքներ ծնուցանել թէ իրեն եւ թէ Զեզի դէմ. Քիւնօ իւր մատը դրած է այն ոսկի մատանին՝ զոր կոմսուհւոյն տուիք ձեր հարսանեաց օրը:

— Մ'յդ սուտ է, աղաղակեց կոմսը, կատաղութենէն գուալով. այդ սուտ է, Իթա կոմսուհին իր հարսանեկան մատանին ծառայի մը չ'տար. այդ վատութիւն է:

— Համեցէք հրամանքնիդ անձամբ ստուգելու, իմ աղնիւ տէրս, շարունակեց Դոմինիկոս: Եթէ հրաման կ'ընէք, Քիւնօն Զեր ներկայութեանը բերեմ:

Սյս ճարտարութեամբ պատրաստուած զրպարտութիւնն ունեցաւ Դոմինիկոսի խնդրած յաջողութիւնը. Հենրիկոս կոմսը ճանչցաւ իր մատանին:

Զինակիրն ունայն տեղ աշխատեցաւ ինքը պինք արդարացնելու՝ անտառին մէջի պատահածը պատմելով. տէրը բնաւ չուզեց մոխկ ընել. եւ որովհետեւ այն ժամանակները աւատական իշխանները իրաւունք ունէին իրենց դատաստանը իրենք տես-

նելու, թշուառ քիւնօն սոսկալի տանջանքի մը դատապարտուեցաւ . կատեցին զինքը ոտքերէն կատաղի ճիռ մը պաշին՝ որն որ արագ արագ կարշաւէր գվեալը շրջապատող ժայռերուն եւ ձորերուն մէջ տեղին, եւ երկուքն ալ կտոր կտոր եղած գահավէժի մը խորը գլորեցան :

ԳԼՈՒԽ Է.

ԱՍՏՈՒԱԾ ԻՄ, ՆԵՐԷ ԻՐԵՆ

Հենրիկոս՝ որուն բարկութիւնը գեռ չէր իջած իւր հաւատարիմ եւ անմեղ ծառային դժնդակ մահուամբը, գնաց իթայի սենեակը, իւր չար ողին այսինքն Դոմինիկոսն ալ ետեւէն :

Կոմսուհին իւր կիներուն մէջ տեղը զանազան աշխատութեանց զբաղած ըլլալով, բնաւ տեղեկութիւն չունէր այս պատահած արիւնալից անսարքնէն :

Իւր ամուսնոյն յանկարծական կերպով ներս մտնելէն հասկցաւ որ դարձեալ անոր սովորական ցամանը ենթակայ պիտի ըլլար . ուսամի տեղէն ելնելով առջին վազեց, սիրոյ ցոյցերով մեղմացնել ուղելով զանի . բայց նաև խառութեամբ մերժեց զիթա՝ որն որ մարածի պէս գոլդողելով, խօսք չէր գաներ արանջալու, անարգական յանդիմունութիւն չնաց կուտեց իթայի գլխուն, եւ իրեն ներկայացնելով ոսկի մատանին, հարցուց թէ կը ճանչնա՞ր զայն :

Խեղճ կոմսուհին արցունքներ թափելով անկատար խօսքեր կը թոթովէր . իւր յուսահատութիւնը եւ իւր աղերսարկու կերպարանքը չկրցան շարժել զշենրիկոս՝ որուն ոգին զոհ եղած ըլլալով զառանցական կատաղութեան մը, յանկարծ տեղի տուաւ յիմարութեան :

Վերցուց զիթան իր ջղալից բազուկներովը եւ պատուհանէն վար նետեց :

Այս սոսկալի գործողութենէս ետքը աթոռի մը վրայ ինկաւ խորին ապշութեան մը մէջ ընկղմած :

Կոմսուհւոյն կիները ձգեր փախեր էին վշտագին աղաղակներ արձակելով . եւ ծառաներէն ոչ ոք համարձակեցաւ կոմսին առջեւն երեւալու, գիտանալով որ բարկութեան տաենը մարդ չէր երեւար աչքին :

Դոմինիկոս տարածեց ասոնց մէջ այն անհաւանական անշահ պատմութիւնը՝ որ խաբած էր կոմսին նախանձու գիւրահաւանութիւնը այսպիսի թշուառ կերպով :

Ուսանք հաւատացին ասոր, որովհետեւ շատ սիրելով իրենց տէրը, չին կարծեր բնաւ որ յանիրաւի այսպիսի ոճրագործութիւն մը ընէ :

Բայց ուրիշ շատերն ալ նախանաւանդ կոմսութեան բնակիչները, որ աղէկ կը ճանչնային Դոմինիկոսի չարութիւնը, լրտեսուելէ եւ մատնուելէ վախնալով գալոնապէս կ'ըսէին իրարու թէ կոմսուհին եւ խեղճ զինակիրը հաւատարապէս անմեղ էին, թէ Դոմինիկոս հրէշ մընէ, զոր աստուածային վրէժխնդրութիւնը պիտի ջախջախէ կամ ուշ :

Սակայն Դոմինիկոս՝ կոմսին սիրական ծառայն

ըլլալով մարդ չէր համարձակեր զանի ամբաստանելու :

Հրաշք մը պէտք էր զիթան անխուսափելի մահուանէ մը աղատելու համար . Աստուած ալ իւր ամենակարողութիւնը յայտնելու համար գործեց այս հրաշքս , որպէս զի անմեղութիւնը զոհ չուլայ չարի մը անօրէնութեանը :

Իթա ժայռերէն վար նետուած ատենը՝ տունկերը եւ մացաւները դէմ գալով , անոր անկման սաստկութիւնը տկարացուցեր էին . զարհուրանքը զգայազիրկ ըրեր էր զինքը , եւ աչքերը բանալէն վերջը բաւական ժամանակ անցաւ մինչեւ որ յիշեց իրեն պատահածը . ելաւ , ծունկի վրայ եկաւ . անակնկալ երջանկութիւն մը պահպաներ էր զինքը ամէն վերքերէ . եւ իր առաջին մոտածութիւնն եղաւ աղօթք մը ուղել առ Աստուած :

« Աստուած իմ , աղաղակեց , Դու՝ որուն պարտական եմ իմ կեանքս , այսուհետեւ միայն քեզ կը նուիրեմ իմ վերջին օրերս . զիս աշխարհի հետ կապող բոլոր հանգոյցները խզեցան այսուհետեւ . ես ալ երկնից համար եմ . պաշտպանէ զիս , ով Աստուած իմ , այս մարդոց անծանօթ առանձնութեան մէջ որոնք զիս մեռած կը կարծեն . ես այսուհետեւ գիշեղ միայն պիտի պաշտեմ . եւ զիշեղ միայն պիտի օրհնեմ անդադար , դիտելով քու աստուածային բարութիւնդ , մինչեւ որ զիս քովել կոչես» :

Այս սրտաբուղխ աղօթքով երիտասարդ կինը գերինական զօրութիւն մը զգեցաւ . վերջը մոտածելով իւր ամսունոյն վրայ՝ սկսաւ գառնապէս արտասուել :

«Ներէ իրեն , ով Աստուած իմ , կ'ըսէր հեծեծանօք , ներէ իրեն , ինչպէս որ ես ալ կը ներեմ ի խորոց սրտէ . մանաւանդ քու ողորմութիւններդ շնորհէ անոնց՝ որ զրպարտեցին զիս անոր առջին , եւ արդարութենէ հեռացուցին անոր վեհանձն , աղջիւ եւ սիրուն սիրութ » :

Երբ համբերութիւնը կը յենու աստուածային շնորհաց , ամէն բան կը դիւրանայ մեզի . եւ մեր գործած պակասութեանց համար իբր քաւութիւն Աստուածոյ ընծայած վիշտերնիս անձառելի միթարութիւն մը կը պատճառեն մեզի :

Իթա ոտքի ելաւ , մոտաւ անտառին խորութեանցը մէջ արիստար քալելով մթին եւ անացանելի մայրեաց մէջ տեղէն , ուր գուցէ մարդու ոտք չէր կոխած բնաւ :

Արեւը մարդ մոտաւ անտառին մէկ անձառ տեղը հասած ատեն . հոն պատրաստեց իրեն տերեւէ եւ մասնուէ անկողին մը՝ գիշերային հանգստեան համար :

ԳԼՈՒԽ Ը.

ՅԱՆԱՊԱՏԻ

Սյս բարի եւ քաղցր արարածը՝ որուն երիտասարդութիւնը շրջապատեալ էր այնչափ խնամօք , որն որ իր բոլոր կենաց մէջ սովորած էր ճոխութեան բոլոր բերկըրութեանցը , ահաւասիկ միայնակ է այժմ վայրի անապատի մը մէջ , ուր փոխանակ

գունաւոր ասլակիներով եւ գորգերով զարդար-
ուած յարկերու , կը նշմարէ միայն երեկցեան ար-
շալուսոյ տխուր նշոյլը , սեւ եղեւիններ , բաղեղով
ծածկուած հինաւուրց կնձնիներ , եւ փշեայ մա-
ցառներով եւ մամուռով լցուած ապառաժ ժայռեր .
ինք որ կը հանգչէր մետաքսեայ կակուղ բարձերու
վրայ , իրեն նստարան եղած են այժմ ժայռի կտոր-
ներ եւ հնութենէ տապալած ծառի բուներ . փո-
խանակ բազմաթիւ ծառայներու՝ որ յարգանօք
կ'սպասէին իր հրամաններուն , այժմ կը լսէ միայն
անտառին մէջ իւր շուրջը թափառող վայրի էրէոց
աղաղակները . ահաւասիկ առանց ապաստանի , ա-
ռանց աննդեան , առանց հանգստեան տեղւոյ մնա-
ցած է , զուրկ այն ամէն բաներէն՝ որ հարկաւոր
են հոգնած մարմնոյ մը եւ ախուր սրաի մը :

Սակայն իթա կը հանդուրժէր այս ամէն վըշ-
տաց . որովհետեւ նախամեծար համարած էր իր
թշուառութիւնը իր ընկերոջ թշուառութենէն .
վասն զի եթէ իր ամուսնոյն յայտնած ըլլար դոմի-
նիկոսի լրբութիւնը , այս թշուառականը անշուշտ
պիտի գտնէր իր պատիժը , եւ անկարող պիտի ըլ-
լար իրեն վեսակը . որովհետեւ նման մեր աստուա-
ծային ֆրկչին չէր ուղեր չարին կորուստը՝ այլանոր
դարձն ու ապաշխարութիւնը . իսկ փոխարէն իւր
վեհանձնութեան՝ հալածում միայն ընդունեց , որն
որ այս աշխարհիս մէջ առաքինութեան խիստ
սովորական վարձքն եղած է : Բայց զգաց Աւե-
տարանի այս խոստման իւր վրայ կատարութիւնը
զի նոցա է արքայութիւն երկնից » . ամէն անոնք

որ հալածում կը կրեն արդարութեան համար , ոչ
թէ միայն երկնային ուրախութիւններ պիտի վայե-
լեն այս կեանքէս վերջը , այլ եւ կանխաւ այս աշ-
խարհիս մէջ ալ պիտի վայելեն ճշմարիտ բերկու-
թիւն եւ աստուածային երանութիւն :

Իթա հոգնութենէ պարտասած գետնի վրայ
ինկաւ ննջեց , չերմեռանդ աղօթքով մը Նախախնա-
մութեան պաշտպանութեանը յանձնելով զինքը .
իւր տառապանաց մէջ մարմնացեալ Աստուծոյ նման
գլուխը հանգչեցընելու տեղ մը չունէր . բայց Ամե-
նաբարձրելցն օգնութիւնը լւաւագոյն է աշխարհի
բոլոր հարստութիւններէն , եւ իւր պաշտպանութիւ-
նը հզօրագոյն է ամուր բերդերէն եւ բանակներէն :

Քաղցր քուն մը չնորհուեցաւ իթայի , մինչդեռ
սոսկալի տքնութիւն մը կը ծանրանար թոկէնպուրկի
դգեկին մէջ եղողներուն բոլորին ճակտին վերայ .
անմեղները յուղելով վշտագին անձկութեամբ եւ
յանցաւորները մատնելով խղճի չարատանջ խայթին :

Վայրի անասուններուն ունիւնները դադարե-
ցան անտառին մէջ , եւ բնաւ մէկը չէր համարձա-
կեր վրդովել իթայի հանգիստը . վասն զի իւր
շուրջը կը հսկէր իւր պահապան հրեշտակը :

Արշալուսոյ ծագման ատեն ելնելով այս զօրա-
ցուցիչ քունէն , իւր առաջին գործն եղաւ աղօթք
մ'ուղղելաւ Աստուած , որն որ մեծ հանգիստու-
թիւն մ'ունեցաւ դալարեաց կամարներուն տակ ,
խառնուելով թունոց երգերուն՝ որ կ'ողջունէին
օրուան վերադարձը :

Թունոց դայլայլիները կը թուէին ըսել անտա-
ռին այս նոր բնակչին . « մեզի նայէ , մենք որ

տկար, տգէտ ու փոքր թռչուններ ենք, Աստուծոյ հայրենի բարութիւնն է որ կը հոգայ մեր տմէն պէտքերը. մենք ոչ կը սերմաննենք եւ ոչ կը հընձենք. շտեմարաններու մէջ համբարեալ պաշար չունինք, եւ սակայն բան մը չը պակասիր մեզի. Բնչու մի եւ նոյն խնամքը չ'ընորհուի նաեւ քեզի:

Իթա հանդիստ տեղ մը վիճուեց իր բնակութիւնը հաստատելու համար. գիշերը զինքը պատըստարող մացառին քովին քիշտ աղբիւր մը կը բղլսէր ժայռին վրայէն, որուն ստորոտը կը տարպլսէր բաւական ընդարձակ միջոց մը եղեւիններածուէր բաւական ընդարձակ միջոց մը եղեւիններու մէջ տեղը, դալարեօք եւ մամուռով ծածկուած: Իթա որոշեց հոն հաստատել իւր բնակութիւնը եւ խրճիթ մը շինել թանձրագոյն եղեւինին տակ՝ որուն երկար ճիւղերը գրեթէ մինչեւ գետին կը հասնէին:

Բայց Բնչակէս տկար կին մը, կոմսուհի մը կրնար պարապիլ այսպիսի ատամաննելի աշխատութեան մը փափուկ ձեռքերով առանց ո՞ր եւ է դործիքի մը օդնութեան:

Հարկը՝ կ'ըսէ գերմանական առած մը, աշխատիլ կը սորվեցընէ.

Իթա փնտուտուքի ենելով՝ ասդիէս անդիէն ժողվեց չոր ճիւղեր, տերեւներ, կանաչ սատեր եւ կեղեւ. անանկ որ առաջին օրուընէ իր հինաւուրց եղեւինին տակ դիզեր էր բազմաթիւ նիւթոց քանակութիւն մը. եւ ինքը այս միջոցիս կը սնանէր այն պտուղներով՝ զոր անտառը կը բուսցունէր առատութեամբ. ելակները, թռւթերը եւ արմատները թօկէնսլուրկի դղեկին ախորժահամ կերակուրնե-

րուն պէս համադամ ճաշ մը երեւցան իրեն:

Հետեւեալ օրը արեգակը ճառագայթարձակ չժագեցաւ առջի օրուան պէս բարձր լերանց գագաթին ետեւէն. արշալյուր աղօտ էր, եւ անձրեւու օրուան մը նշաններ կ'երեւէին:

Իթա ժրութեամբ աշխատելու հարկադրեցաւ օդոյն սաստկութեանը դէմ իրեն պատսպարան մը շինելու համար:

Նախ հնար եղածին չափ ամրապէս հողին մէջ տնկեց եղեւինի խոշոր եւ ամուռ ճիւղերը. կասեց զանոնք վերէն ծառէն վար կախուած ոստերովլ՝ որ իրը նեցուկ եւ յենարան կը ծառայէր իր չ'նքին: Վերջը այս ցիցերուն մէջտեղի միջոցը լեցուց աւելի կարճ ճիւղերով, մէկմէկու մէջ անցընելով զանոնք եւ կապելով ուռենիով եւ ուրիշ դիւրակոր տունկերով. այսպէս իր չորս պատերը կանգնեց ուրախութեամբ, եւ չուտով խրճիթը պատսպարուեցաւ ամէն կողմէն:

Իրաւ է որ այս բնակութիւնո շատ մեծ ամրութիւն մը չունէր. բայց ամէն օր կատարելութիւն կ'ստանար. որովհետեւ իթա միշտ մատաղ ճիւղեր կը յարէր առաջիններուն վրայ. մամուռով եւ կեղեւով կ'ամրափակէր խրճիթին ամէն կողմը. մինչեւ որ անձրեւը եւ հօղս ալ տեղ չէին գտներ ներս թափանցելու :

Իսկ տանիքը՝ ուրկէ երկարատեւ եւ ուժգին անձրեւ մը կրնար ներս թափանցել, անանկ մը ծածկեց զօրաւոր ճիւղերով. կոր յատակագծի մը վրայ, որ երբ խիստ եղանակին առաջին ցուրտերն սկսան, իթայի խրճիթը կատարեալ պատսպարան

մը կ'ընծայէր ձիւնին, անձրեւին եւ ձմբոռան
խստաշունչ հովերուն դէմ:

Խրճիթին հարաւակողմը բաց միջոց մը կար՝ լոյս
եւ արեւուն ձառագայթից ջերմութիւնն ընդունե-
լու համար, անոր տակն ուրիշ բաց տեղ մըն ալ
կար, որ իր դուռ կը ծառայէր, բայց այնչափ
ցած՝ որ ներս մոնելու եւ դուրս ելնելու համար
հարկ էր ծունկի վրայ գալ եւ հեռացնել դէմ առ
դէմ եկած ձիւզերը, որոնք իսկոյն իրենք իրենցմէ
առածգականութեան զօրութեամբ իրենց տեղը
դանելով կը փակէին այս մուտքս:

Սնմեղութիւնն աւելի հանգիստ կը չնչէ ան-
ձանօթ առանձնութեան մը մէջ քան թէ ամենա-
շքեղ պալատներու մէջ՝ ուր ենթակայ է միշտ չա-
րերուն հալածմանցը: Իթա երջանիկ էր այս խրր-
ճիթիս մէջ:

Մէկտեղ կապուած երկու գաւազաններէ շին-
ուած փոքրիկ խաչ մը՝ զոր կախած էր իր խրճի-
թին ներքնակողմը, ամէն վայրկեան իրեն կը յի-
շեցընէր Յիսուսի Քրիստոսի՝ մարդոց համար ունե-
ցած անձառելի սէրը. իւր վսեմ առաքինութիւ-
նը եւ կրած մեծ ամեծ վիշտերը. իրեն այնպէս
թուէր որ խաչին վրայէն կըսէր թէ՝ այս աշխար-
հիս մէջ համբերութեամբ կրուած վիշտերով պիտի
վայելէ երկնից մէջ ընտրելոց պահուած յաւիտե-
նական երանութիւնը:

Իւր խրճիթին դուրսի կողմը իթա կանգնած
էր աւելի մեծ խաչ մը, որուն առջեւ աղօթելու
յուգար ամէն օր երբ օդը ներէր:

Աշնան ատեն պաշար ժողվեց ձմեռուան եղա-

նակին համար, եւ երբ ձմեռ եղաւ, իթա չուզեց
պարապ մնալ. շատ օգտակար բաներ ունէր ընե-
լու, իր ձարտարութիւնը պիտի լեցընէր գործիք-
ներու, անօթներու եւ բոլոր իրեն պակասած բա-
ներուն պակասութիւնը, ուստի իր առաջին գործն
եղաւ ժողվել շատ մը կակուղ մամուռ, ուռենոյ
ճիւղեր եւ ճպուկ գաւազաններ:

Վերջը սրածայր քարերու միջոցաւ կը փրցընէր
ծառի բուներուն կեղեւը. ջուրին մէջ կը թրջէր,
եւ հանելով անոր փափուկ նեարդերը արեւուն մէջ
կը չորցընէր. այս թելերով շինեց տեսակ մը հիւս-
ուած, եւ ծածկոց ըրաւ իրեն ցուրտէն պատրս-
պարուելու համար. շինեց նաեւ ուռենիէ կողովեր
եւ սրածայր քարերով փորեց կակուղ փայտէ ա-
մաններ՝ որոնց մէջ ջուր կը ժողվէր խմելու համար:

Այս զբաղմանց ատեն շատ անգամ սիրտը կը
գորովէր իր բարի ծնողաց յիշատակաւը. գեռ լսել
կը կապծէր անոնց իրեն ըսելը՝ երբ տպայ էր իր
քոյրերուն հետ. «աշխատեցէք, սիրելի աղջիններ,
օգտակար տեղեկութիւններ եւ հմառութիւն ստա-
նալու առիթը մի կորսնցընէք, վասն զի ոչ ոք
կրնայ նախատեսել թէ ինչ կ'ըլլայ օր մը. սովորե-
ցէք ուրեմն աշխատութիւն սիրելու, աշխատու-
թիւնն ինքնին աշխարհի բոլոր գանձերէն աւելի
պատուական է, որովհետեւ կրնանք գիւրաւ կոր-
սնցընել մեր հարսառութիւնները, եւ այն ատեն
միայն ժրածան աշխատութիւն մը կրնայ ապահո-
վել մեր տպրուսոը:

Իթա կը հաւասարէր այժմ իւր սիրելի ծնողաց
իրեն տուած խրատուց խմաստութիւնը:

Եթէ իւր երխասասարդութեան առանք արհամարհած ըլլար այս խոհական խրատները, եթէ իւր ապագայն ապահովել թուող հարատութեան վրայ վստահելով իւր ժամանակը անօդուտ զբոսանքներով անցընէր, առանց տարակուսի պիտի կորսուէր այս վայրենի առանձնութեան մէջ :

Իթայի օրինակը կ'ապացուցանէ թէ տղայք պարտին միշտ օգտակար զբաղմանց պարապիլ. եւ թէ շատ անդամ մեր ճարտարութիւնն է որ կը պահպանէ զմեղ կարօտութեանէ :

Իթա շատ օր կ'ըլլար որ չէր կրնար աշխատիլ շարունակեալ եւ սաստիկ ցուրտին պատճառաւ. մեծ դժուարութիւն կը կրէր թանձր ձիւնին մէջ բաց պահելու այն փոքր ճանապարհ՝ որ ժայռէն բղխող աղբիւրը կը տանէր, եւ որն որ բարեբաղդաբար երբէք չսառեցաւ բոլորվին. այս ցուրտ օրերը աղօթքի եւ մտածութեան կը նուիրէր :

Իւր ըուրջն եղած ամէն բանի մէջ, նոյն իսկ այս վայրենի եւ ամայի բնութեան մէջ ալբարեպաշտական խորհրդածութեանց նիւթեր կը գտնէր. ձիւնին մէկ թեթեւ հատիկը, մերկ մացառներուն վրայ փայլող սառած ջուրին մէկ կաթիլը, գարճան ծաղկիներուն կամ ամառուան պտուղներուն պէս, աստուածային ամենակարողութեան մեծամեծ հրաշալիքն եւ թանկագին պարզեւներն էին իրեն համար. այսպէս ամէն բան կը բարձրացնէր իւր հոգին ի գովիստ եւ յերկրպագութիւն Ամենալարձրելոյն :

Ո՛հ, որպիսի բերկութիւն կ'զգար երբ կը տեսնէր գեղեցիկ օրերուն վերադարձը, ծառոց նոր

զարդեր զգենուլը եւ բոլոր բնութեան ոգեւորիւլը աւելի ջերմ արեւու մը ճառագայթներով. իւր ջերմեռանդ բարեպաշտութեամբը հիացմամբ կ'ըզմացէր երկիրը ծածկող դալարեաց, հիւթով արգասաւորեալ ճիւղերու տակ բացուող նորափիթիթ տերեւոց եւ մացառներուն կանաչութիւնը գեղազարդող գոյն զգոյն ծաղկանց վրայ. այս գեղեցիկ տեսարանս կ'ոգեւորէր զիթա նոր կեանքով մը եւ իրեն անանկ կուգար որ հոգին երկնից կը մերձենար :

Անտառին ծառազարդ սիւները՝ Աստուծոյ մեծութեանը համար բնութենէն կանգնուած տաճար մը կը համարէր, զոր իւրաքանչիւր եղանակ կը զարդարէր զանազան հրաշալիօք: կը պաշտէր իւր Արարիչը իւր ամենակարողութեան գործոց մէջ, եւ երկնային մմիթարութիւնը կ'իջնար իրբեւ բալասան իր սրտին վիշտերուն վրայ :

Թէսէտ եւ շատ օրեր, շատ ամիսներ եւ շատ տարիներ անցուց այս առանձնութեան մէջ, սակայն ճշմարտապէս միայնակ չէր, որովհետեւ իւր միտքը միշտ Աստուծոյ հետ էր :

ԳԼՈՒԽ թ.

ԽՂՃԻ ԽԱՅԹ

Երբ թօկէնպուրկի կոմսին բարկութիւնը քիչ մը իջաւ, բանականութիւնը ձեռք առաւ իր իշխանութիւնը, եւ գործած աղէտալի գործին համար

զգացած խղճի խոյթերը պաշարեցին իր հոգին :

Սկսաւ մտածել թէ գուցէ յանցաւոր չէր իր կինը, եւ գուցէ զանի զոհած էր նախանձու մուկեգնութեան մը, զոր չէր կրնար արդարացնել ո՛ր եւ է փաստով :

Այս երկարատեւ եւ դառն տքնութեանց ատեն ներքին ձայն մը անդադար իրեն կը գոչէր . « Թօ-կինապուրկի կոմն , Աստուծոյ անէծքը գլուխդ վրայ պիտի ծանրանայ , վասն զի սպաննեցիր քու հաւա-տարիմ ամուսինդ եւ անձնուէր ծառայդ , չէ՞ր դիտեր որ դատաւոր մը իրաւունք չունի ամբաս-տանեալ մը դատապարտելու , թէ եւ յանցաւոր ալ ըլլայ , առանց լսելու եւ կըռելու անոր բոլոր ար-դարացումները . դու դահճան եղար Աստուծոյ քե-զի տուած ընկերոջդ , եւ եթէ նա անմեղ եւ սուրբ երեցած է դերագոյն դատաւորին առջեւ , իւր արիւնը վրէժինդրութիւն պիտի գոչէ քու ոճրա-դործութեանդ դէմ , եւ յաւիտենականութիւնը չպիտի բաւէ զայն քաւելու :

Դիշեր ցերեկ այս սոսկալի մտածութիւններով պաշարուէր էր չենրիկոս . դէշ ալիրութիւն մը տի-րեց վրան , երեսը հողի գոյն դարձաւ , եւ մաշո-ղական նուազութիւն մը ծուեց իւր կորովով եւ զո-րութեամբ լի մարմինը :

Դոմինիկոս որ ամենուրեք իրեն կը հետեւէր իբրեւ իւր ստուերը , կը հասկնար իւր միտքը եւ սիրու . կ'սկսէր վախնալ որ ըլլայ թէ իւր տէրը մեղապարտ գդալով զինքը իւր գործած սոսկալի անիրաւութեամբը՝ այս համոզումս պատճառ ըլ-լայ իւր անմիջական կորստեանը . ասոր համար կը

ջանար ամէն կարելի միջոցներով կոմսին վատահու-թիւնն եւ եւս գրաւել , իրմէ հեռացնելու համար բոլոր այն նշանները՝ որոց յայտնութիւնը վտանգի պատճառ պիտի ըլլար իրեն :

Բայց այս նենգաւոր ծառայս պարագ տեղը կը ջանար իթայի եւ զինակրին մահուանը օրինաւո-րութեան կերպարանք մը տալու . խղճի խոյթերը իր խարէտական ձարտարախօսութենէն աւելի զօ-րաւոր էին : Հենրիկոս կը խռովէր գաղտնի սոս-կումներով . բոլոր իրեն մօտեցողներուն աչքերուն մէջ կարդալ կը կարծէր ամբաստանութիւնն մը՝ ուր-կից իր խիղճը չէր կրնար արդարացնել զինքը . եւ օտարականաց հետ տեսութիւն ընելէ կը խորչէր :

Երբեմն երեւակայութեանն առջեւ կուգար իթա-երկնային ճառագայթներով շրջապատեալ , որ Աս-տուծմէ իրեն համար թողութիւն կը խնդրէր . այն ատեն բոլորովին յուսահաստական անձկութեանց մէջ կը պաշարուէր հոգին . բայց Դոմինիկոսի չարանենք աղդեցութիւնը կուգար կը խնդր այս զղման բող-րոջները :

Մեր պատմած աղբտալի պատահարէն ի վեր մարդ չէր մտեր կոմսուհւոյն սենեակը . Դոմինիկոս ինքն ալ կը հեռանար անկէ սոսկամք . իսկ կոմսին համար թօկէնապուրկի գղեկին մէջ բնակիլն անտա-նելի բան մ'եղած էր . վասն զի ամէն մէկ քայլ առնելուն գիտես թէ ուրուականներ կը խոնէին իր չուրջը՝ սպառնալիքներ ընելով . ուստի որոշեց հեռանալ անկից եւ հեռաւոր ճանապարհորդու-թեանց մէջ հանգիստ փնտուել մոռացութեամբ :

Իւր նախնեաց դղեկէն անդառնալի կերպով

մեկնելէն առաջ կուզէր Քիրքպէրկի բնակչաց ծառնուցանել իր ընտանեկան թշուառութիւնները, բայց չէր գիտեր թէ ինչ միջոց գործածէ իր բարբարոսական վարմունքին դոնէ երեւոյթներն արդարացընելու համար: Դոմինիկոս իւր վրայ առաւ այս հոգս. անուղղակի կերպով իթայի ծնողաց իմացուց անոր վրայ ծանրացող ամբաստանութիւնները. եւ իւր այս պատմութիւնը հաստատելուն համար բաւական ճշմարտանման վաստեր հնարեց, եւ կը կարծէր որ Քիւնո զինակրին մահը երբէք չէր կրնար ասոր ստութեանը վրայ կասկած մը յարուցանել:

Հենրիկոս կոմսը չկրցաւ Քիրքպէրկէն գալիք լուրերուն սպասել. իսկրյն ճամբայ ելաւ իր թշուառ ամուսնոյն ծնողաց վիշտը չտեսնելու համար:

Դոմինիկոս մինակ մնաց Թօվինապուրկի մէջ՝ իւր տիրոջ բոլոր ստացուածոց տեսչութեան պաշտօնով. եւ որովհետեւ ինքն ալպէտք ունէր մոռացութեան, ուստի գինովութեան մէջ կը փնտոէր զայն:

Երբ Հենրիկոս երկար բացակայութենէ մը վիրջը իւր դղեակը դարձաւ, չկրցաւ գտնել հոն այն հանգիստը՝ որ ամէն տեղ վլացուած էր իրեն. իւր բարեկամները յաճախ այցելութեան կուգային իրեն, բայց չին կրնար ամոքել իր յիշատակաց դառնութիւնը:

Մինչդեռ Հենրիկոս կը կրէր իր լողին պատիժները, իթա երջանիկ էր իր առանձնութեանը մէջ, իւր ունեցած թշուառութեանց ու զրկմանց հակառակ:

Վասն զի մաքուր լսիղն մը կ'ապահովէ միշտ ար-

դարին խաղաղութիւնը եւ երջանկութիւնը, մինչդեռ լողի խայթերը կը թունաւորեն հարստութեան տուած բոլոր վայելչութիւնները:

ԳԼՈՒԽ Ժ.

ԻԹԱ ԿԸ ԳՏՆՈՒԻՒ

Քիւնոյի տեղ զինակրի պաշտօնն ընդունած էր իր բարեկամներէն մէկը՝ որն որ գիտէր իր պատմութիւնը եւ անմեղութիւնը, եւ երկար ատեն ողբացեր էր իւր տիսուր վիճակին վրայ:

Նոր զինակիրը յաճախ Ռապէնսթայնի անտառը կ'երթար որսի, բայց Նախախնամութիւնը չէր թողուր որ իթայի առանձնացած կողմերն երթայ:

Խեղճ կոմսուհին տասնըեօթը տարի այս առանձնութեան մէջ մնաց Աստուծմէ զառ պաշտպան մը չունենալով. այսչափ միջոց մը պէտք էր որպէս զի կոմսը իւր դառն վիշտերուն մէջ իւր գործած պակասութեան հաւասար քաւութիւն մը գտնէ, եւ իր զղջմամբն արժանի ըլլայ աստուածային ողորմութեան:

Օր մը զինակիրն անտառը կը պըտըտէր արեւուն ծագման ատենները. իւր շուները արձակ համարձակ կ'ոստոստէին ասդիս անդին. ուստի ինքըն ալ անոնց ետեւէն երթալով մտաւ անտառին այն խորութեանցը մէջ՝ ուր երբէք ոտք չէր կոխած բնաւ:

Ուստի մեծ եղաւ իր զարմանքը երբ անձրեւէ

թրջած տեղ մը հասնելով, հոգին վրայ մարդու ոտքի հետքեր նշմարեց . չը կրնար խելք հասցը-նել թէ որ արիասիրտ որսորդը կրցեր էր մանել այս վայրենի խորութեանց մէջ՝ ուր ինքը մեծ գժուարութեամբ կրցեր էր թափանցել, ուսպացեալ ժայռերու եւ խիստ թանձր եւ խիտ մացառներու մէջտեղէն :

Ուստի սուելով կոչեց իւր շուները եւ այս շաւզաց հետեւցուց . այս կենդանեաց բնական ձիրքը տարաւ զիրենք քիչ մը հեռուն այն հինաւուրց եղեւինին տակ որ կը պատսպարէր իթայի լորձիթը :

Զինակիրը նախ այնպէս կարծեց որ ասիկա բարեպաշտ ճգնաւորի մը ապաստանարանն էր, եւ հազիւ կը համարձակէր հոն մօտենալու եւ խղիկէն ներս նայելու, որուն մէջ իթա շուներուն հաշիւնէն զարհուրած՝ անշարժ եւ դողդոջուն կը կենար Աստուծոյ օգնութիւնը հայցելով .

Զինակիրն իրը պատուհան ծառայուլ փոքրիկ ծակէն խրճիթին մէջ նայելով, մարդկային արարած մը տեսաւ զարմանալի կերպով հագուած . արդարեւ կոմուհւոյն զգեստները երկար ատենէ ի վեր մաշեր էին, եւ զինքը ցուրտէն պաշտպանելու համար անբաւական ցնցուիներ մնացեր էին վրան :

Իթա աչքերը խոնարհած թունդ ելաւ սիրտը, լսելով օտարականին ձայնը՝ որ իրեն հարցուց թէ ի՞նչ կ'ընէր հան, եւ թէ կրնա՞ր ծառայութիւն մը ընել իրեն :

Իթա պատասխան չտուաւ, եւ չնորհակալ եղաւ լոին շարժումով մը :

Զրկումներն եւ հոգնութիւնը այն աստիճան աղարտեր էին խեղճ մենակեցին երեսին գիծերը, որ զինակիրը առջի բերան չկրցաւ զանի ճանչնալ :

Այս տասն եւ եօթն տարուան առանձնութիւնը վաղաժամ ծերութեան մը կնճիւներ տպաւորեր էր իթայի ճակտին վրայ . սակայն զինակիրը աւելի ուշադրութեամբ քննելով եւ դիտելով, յանկարծ աստուածային լոյս մը ծագեց մտքին մէջ եւ աղաղակեց .

« Թօկէնալուրկի կոմսուհին էք դուք, մեր բարի տիրուհին՝ որուն վրայ կ'ողբանք երկար ատենէ ի վեր . ինչպէս կ'ըլլայ որ այս անտպատիս մէջ կը դանեմ զձեղ այսօր՝ երբ մենք այնչափ տարիներէ ի վեր երկնից մէջ կը կարծենք զձեղ, կորսնցնելով մեր կեանքը այն ստոկալի գահապէժին մէջ : »

Իթա աչքերը վերցուց զինակիրին վրայ եւ ճանչցաւ իւր վաղեմի ծառայն, եւ տեսնելով որ ալ հնարաւոր չըր ինքըզինք ծածկել, պատասխանեց կրեշտակային քաղցրութեամբ .

« Իմ մահս անհրաժեշտ կը թուէր մարդոց աչքին . բայց Աստուած՝ որ կը կարդայ սրտերուն խորը, եւ գիտէր իմ անմեղութիւնս, զիս պահել ուղեց իւր բարութեան մէկ հրաշքովը . ես ալ ուղեցի առանձնութեան մէջ միայն իրեն նուիրել իմ մնացեալ կեանքս : »

Որսորդը պատասխանեց խորին յարգանօք . « Ո՛վ աղնիւ տիկին, մեր թշուառութիւնը սուգ մը տարածեց թօկէնալուրկի մէջ . մեր հաւատարիմ ծառայները միմիթարութիւն չկրցան գտնել մեր կորստեան վրայ . մեր ամուսինն ամենաղառն վըշ-

տերու մատնուած է . չեմ տարակուսիր բնաւ եւ
ապահով եմ որ ձեր անմեղութիւնն եւ իր զղջումը
հանդիսաւորութեամբ պիտի հռչակէ , եւ ձեռքէն
եկած ամէն միջոց պիտի գործածէ ձեզի պատճա-
ռած վշտաց յիշատակը ջնջելու համար . ուստի նե-
րեցէք , տիկին , որ փութամ իրեն հաղորդելու այս
երջանիկ լուրը . Աստուած պաշտպան ըլլայ ձեզ
մինչեւ իմ վերադարձս :

Այս խօսքերս ըսելով զինակիրը ծունկի վրայ
եկաւ , արտասուօք թրջեց կոմսուհւոյն ձեռքերը .
վերջը շուտով հեռացաւ տարտամութեան եւ ան-
բացատրելի խոռոշութեան մէջ թողլով զիթա :

Այս միջոցիս իթայի զգացած երկիւղը միայն
այս էր որ չպիտի կրնար այնուհետեւ կատարել
այն ուխտը՝ զոր Աստուծոյ ըրած էր առանձնու-
թեան մէջ ապրելու եւ մեռնելու համար :

Ուստի մէյ մը մտածեց անտառին մէջ տւելի
անթափանցելի առանձնութիւն մը վինտուել , բայց
խորհեցլ իւր ամուսնոյն հետազօտութիւններէն
խուսելու դժուարութիւնը , Աստուծոյ կամացը
յանձնեց իւր ապագային որոշումը :

ԳԼՈՒԽ ԺԱ.

ԱՍՏՈՒԾՈՅ ԱՐԴԱՐՈՒԹԻՒՆԸ

Կոմսին զինակրին փոշոյ եւ քրտանց մէջ թաթ-
խուած թօկէնալուրկ մտնելը աեսնողներուն բոլորն

ալ հաստատապէս գիտէին թէ մեծ լրւր մը կը բե-
րէր նա , բայց մարդու մտքէ չքր անցներ որ այն
լուրը խեղճ իթայի վերաբերութիւն մը կրնար ու-
նենալ :

Կոմսը մինակ էր ան ատեն , զինակիրը իսկոյն
քովը գնաց աղաղակելով « իմ աղնիւ տէրս , կու-
դամ ձեզի պատմել հրաշալիք մը՝ որուն դժուա-
րաւ պիտի հաւատաք , բայց ապահով եմ որ մեծ
ուրախութիւն պիտի իմանաք . . . :

— ի՞նչ կայ , աղաղակեց կոմսը անհամբերու-
թեամբ .

— Գերապատիւ տէր , կոմնուհին ողջ է , տեսայ
զինքը , հիմա իր քովէն կուգամ , ո՛հ , շատ անմեղ
է եղեր նա , որովհետեւ Աստուած միայն կրնար
զանի փրկել այսպիսի հրաշքով մը :

Եւ խեղճ մարդը շունչը կտրած՝ հեւալով պատ-
մեց անտառին մէջի պատահածը :

Կոմսը՝ որ մտիկ կ'ընէր իրեն հետաքրքրութեամբ ,
առջի բերան չկրցաւ իր զարմանքը ծածկել , բայց
իսկոյն իր սովորական թմրութեանը մէջ իյնալով
գլուխը ցնցեց տխուր եւ թերեհաւատական կեր-
պով մը , « անհնարին է որ իմ խեղճ կինս ողջ մնա-
ցած ըլլայ այն անկումէն . ասկից զատ պէտք է հա-
ւատամ որ յանցաւոր էր նա՛ , եւ Աստուած ինքն
որոշեր էր իր պատիժը : »

Զինակիրը առիթ գտնելով կոմսին այս անորո-
շութեան վայրկենէն , իր տիրոջ պատմեց ոսկի մա-
տանիին պատմութիւնը՝ ինչպէս որ իմացեր էր իւր
Քինո ընկերոջը բերնէն :

Հենրիկոս՝ որ մտիկ կ'ընէր զինակրին , սասաւ-

շաւ եւ ուզեց լաւ մը ստուգել այս գաղտնիքս :

Հրաման ըրաւ զինակրին որ այս բանս մարդու չխմացնէ, եւ իսկոյն զինքն անտառը տանի :

Գացած ատեն սիրու հազարաւոր տարբեր մոտածութիւններով կը յուզուէր, «ի՞նչ պիտի ընեմ, կ'ըսէր ինքնիրեն, թէ որ անմեղ ըլլայ կոմսուհին եւ ստոյդ ըլլայ որ Աստուած պահպանած է զանի այսպիսի հրաշալի կերպով մը. եթէ ընդհակառակն յանցաւոր ըլլայ եւ խոստովանի, ինչ ընելու եմ այն ատեն » :

Այս մոտածութեանց մէջ ընկլիմած կը հետեւէր իր առաջնորդին, եւ ձամրուն դժուարութիւնները բանի տեղ չդնելով հասաւ խրճիթին քով :

Իթա՝ որ անձկութեամբ կ'սպասէր իրեն, դուրս ենելով դիմացն ելաւ ծած կուած ցնցոտիւք եւ սպիտակահեր երկար մազերով :

Կոմսը իսկոյն ձանչցաւ զանի, անոր դիմաց հանդարտութենէն եւ քալուածքին վեհութենէն համոզուեցաւ անոր անմեղութեանը վրայ. լալով ոտքն ինկաւ եւ թողութիւն խնդրեց :

Իթա իր երջանկութեան օրերուն պէս քաղցր եւ ներողամիտ ըլլալով, գետնէն վեր առաւ զանի եւ իր բաղլացը մէջ սեղմելով աղաղակեց .

« Ո՛վ իմ Հենրիկոս, ես երբէք ոխակալութիւն մը չունէի քեզի գէմ, գիտնալով քու բարի սիրոդ անկարող կը կարծէի զքեզ գէշ դործ մը ընելու, եթէ չխաբուէիր գարշելի զրպարտութեամբ թելադրեալ. իթա պիտի սիրէ զքեզ եթէ դու ալ կը հաւանիս զանի սիրելու մեր միութեան առաջին օրերուն պէս » :

« Ո՛վ իմ հրեշտակս, պատասխանեց կոմսը եռանդով. այժմ կը ճանչնամ եւ կը հասկնամ որ Աստուած զքեզ պահպանեց իմ զղջումս օրհնելու եւ ինձ ներելու համար՝ քու երկնային հոգիդ կը հաւանի մոռնալու իմ պակասութիւններս. բայց Աստուած որ կը դատէ իւրաքանչիւրն իր գործոցը համեմատ, Աստուած՝ որուն խիստ արդարութիւնը կը հասնի միշտ յանցաւորին ետեւէն, Ան ալ քեզի պէս կը ներէ արդեօք ինձ :

Այս, Հենրիկոս, կրկնեց իթա, այս կը ներէ քեզի, վասն զի իւր ողորմութիւնն անչափ է զղջացող մեղաւորաց համար. իւր անձառելի սէրը չմերժէր իրեն դարձող որդիքը. քու արտասուքդ եւ վիշտերդ երկար ատենէ ի վեր զիջուցած են իւր արդարութիւնը: Իր բարութիւնը այնպէս տնօրինած էր որ մենք աշխարհի վրայ բաժնուինք իրարմէ, որպէս զի արժանի ընէ զմեզ երկնից մէջ միանալու. ձանչնանք իւր դատաստանաց իմաստութիւնը՝ որուն գաղտնեացը թափանցել ներելի չէ մեզի. եւ չնորհակալ ըլլանք մեզի չնորհած այս երջանկութեան համար: »

Երկու ամուսինք ծունը կրկնեցին այն խաչին առջեւ զոր իթա կանգնած էր խրճիթին մօտը եւ ջերմեռանդ աղօթք մը մատուցին :

Բայց կոմսն իւր աղօթքէն ետքը յիշեց որ դատաստան մը ունէր տեսնելու. եւ երդուաւ սոսկալի պատիժ մը տնօրինելու այն հրէշին՝ որ թունաւորեր էր իր կենաց անցեալը:

« Աւազ, սիրելի Հենրիկոս, կրկնեց իթա, միթէ մոռցաք բարկութեան ատեն գործադրած խորհը-

դոցդ քեզի սլատնառած վիշտերը ի՞նչ կ'ըլլար մարդոց վիճակը, եթէ մեր ամէն մէկ սլակառութիւնները յանկարծական պատիժով մը պատուհասէր Աստուած. ուստի մի մերժեր իմ միակ աղասիք Աստուած եղիր ինչպէս որ Աստուած ողբրմած եղաւ քեզի. քեզի ներելով, ով իմ սիրելի ամուսինս, ներեցի նաև անոնց՝ որ քեզնէ աւելի յանցաւոր ըլլալով կուրացուցին քու միաքի եւ խարեցին սիրտդ. ինձի համար թող չը հեղու յանցաւորին արիւնը :

Հենրիկս չկրցաւ մերժել իթայի թախանձական աղերսանքը. բայց այս բարեխօսութիւնն օգուտ մը չունեցաւ նենդաւոր Գոմինիկոսի համար :

Երբ այս հրէն իմացաւ որ իթա ողջ է եղեր եւ կոմսը ամէն բան խմացեր է, քիչ մնաց որ խելքը կորսնցընէր. իւր ոճրագործութեանց համար մարդկային արդարութենէ խուսելու յոյս չունենալով՝ սկսեր էր աստուածային ողբրմութեան ալ չ'հաւատալ. ուստի անձնասպանութեան խորհուրդը տիրելով մոռքին, վերջ տուաւ իր կենաց՝ վերջին եւ անդարմանելի ոճրագործութեամբ մը. իր դատաստանաւը ընտրեց մահուան այն աեսակը՝ ուրկից պահպանուած էր կոմսուհին, եւ ինքզինքը աշտարակին դադաթէն դահավիթեց վարի անդունդին մէջ:

Այսպէս խստասիրտ ոճրագործք կը խուսեն երբեմն մարդկային արդարութենէն :

Ուրեմն, ով տկար հոգիներ, դուք որ պակասութիւններ գործեր էք, քանի որ դեռ ժամանակ ունիք, կեցէք անդունդին եղերքը, զի մի՛ գուցէ

— 55 —
Աստուած հեռանայ ձեզնէ եւ յաւիտենական կորըստեան մէջ գահավիժիք :

ԳԼՈՒԽ ԺԲ.

ՈՒԽՍ

Իթա հաւատարիմ մնալով իւր ուխտին, իմացուց իւր ամուսնոյն՝ Թոկէնպուրկի դղեակը չդառնալու համար ըրած որոշումը :

« Սիրելիս, ըստ անոր հանդարտ տխրութեամբ, ներեալ չինձ այսուհետեւ ձեզի հետեւիլ եւ առաջուան պէս ձեզի հետ միանալ. աշխարհէ մերժուելով եւ մեռեալ կարծուելով՝ սակայն աստուածային բարութեան հրաշիւքը փրկուելով բոլորովին երկնից նուիրած եմ իմ անձս. ես ուխտ ըրի այս անսպատիս մէջ ինքզինքս իմ Փրկչիս Յիսուսի Քրիստոսի ընծայել եւ մարդիկներէ հեռի ապրիլ մինչեւ կենացս վախճանը. միայնակ նուիրելով իմ կեանքս Անոր պաշտօնին՝ որ երկու անդամ փրկեց զիս. երջանկութիւն մը չըլլար ձեզի այսպիսի սուրբ խոստան մը դիմադրելով. ուստի կը յուսամ որ պիտի հաւանիք իմ այս որոշմանս, եւ պիտի օգնէք ինձ՝ հաստուցանելու համար առ Աստուած ունեցած երախտագիտական պարտքս » :

Այս խօսքերս ի խոր խոցեցին իր ամուսնոյն սիրտը, եւ սակայն չհամարձակեցաւ իթայի կամաց հակառակիլու, եւ անոր առաքինութեան հա-

մար ունեցած զարմացումը մեծցաւ այս զոհողութեան մեծութեամբը . մտածեց որ զիթան իւր ուխտին գործադրութենէն հրաժարեցընել ուղելը Աստուծոյ կամաց դէմ գործել է . ուստի ցաւ ի սիրո հանդուրժեց այս նորոգ բաժանման :

« Ս.յո ըրած ուխտերնիդ զիս դառնապէս կը վշտացընէ , ըստ անոր արտասուալից աչօք . ձեր այս ուխտը բոլորովին վեր ի վայր կը կործանէ ապագային համար ունեցած գեղեցիկ խորհուրդներս . ասկայն , սիրելի իթաս , ես չեմ ուղեր իմ հաւանութիւնս զլանալ ձեզ՝ մերժուերով այն անձէն , որուն պարտքն էր հսկել ձեր երջանկութեան վրայ այս աշխարհիս մէջ :

« Ա.ստուծոյ բազկաց մէջ ինկաք եւ օգնութիւն եւ պաշտպանութիւն գտաք , ուրեմն դուք Ա.ստուծոյ էք . բայց կը յուսամ որ գոնէ կը հաւանիք եւնելու այս անապատէս՝ ուր ամէն բանի պակասութիւն կը կրէք . մի զլանաք ինձմէ ձեզի դիւրութիւններ մատուցանելու միսիթարութիւնը :

« Հենրիկոս , կրկնեց կոմսուհին , ոչ թէ հարուստ տան մը եւ կենաց դիւրութիւններու մէջ , այլ խեղճ եւ անծանօթ առանձնութեան մը մէջ իմ կեանքս վերջացընել խոստացած եմ Ա.ստուծոյ . ուստի կ'աղաչեմ , թողէք զիս հոս , որ շարունակմի սովորական առանձնութիւնն . հաւատացէք ինձ , Հենրիկոս , որ միայն սովորութիւնն է կենաց դիւրութիւնները մեզի այնչափ հարկաւոր ընողը . եթէ ոչ կրնայ մարդս երջանիկ եւ գոհ ապրել ամենապարզ կերակուրով մըն ալ ամենախեղճ խորհիմ մը մէջ , քան թէ ճոխ սենհեակներու

մէջ փառաւոր սեղանի մը գլուխը բազմած . եթէ իմ կեանքս թշուառ կը թուի ձեզի , չեմ կարծեր որ ձեր՝ ինձի ընծայել ուղած վիճակնիդ տւելի փափաքելի ըլլայ . ես որ տասն եւ եօթը տարիէ ի վեր սովորած եմ սակաւասիչտ , խեղճ եւ առանձնական կեանքի մը . ուստի կը խնդրեմ , թողէք զիս այս անապատիս մէջ : »

Թօկինպուրելի կոմսն ընդունայն ջանաց այս որոշմանս դէմ մրցելու . իթա անդրդուելի երեւցաւ . եւ որովհետեւ լուսոյ նուազութիւնը գիշերուան մերձումը կը յայտնէր , իթա յորդորեց իւր ամուսինը՝ որ դգեակը վերադառնայ , դեռ միութիւնը անտառին մէջ չտարածուած :

Հենրիկոս նորէն սկսաւ թախանձել , զինակիրն ալ նմանապէս . բայց ամենայն ինչ անօգուտ եղաւ :

Ս.յն ատեն կոմսը մեկնեցաւ իր կնոջմէն՝ անոր բարեպաշտական յիշատակութեան յանձնելով զինքն առ Ա.ստուծ , եւ թօկինպուրել դարձաւ յաճախ աչքերը դարձընելով խոնարհ ճգնարանին վրայ , մինչեւ որ աներեւոյթ եւ անտեսանելի եղաւ երեկոյեան ոտուերաց մէջ :

Դգեակը հասնելուն պէս մատուանապետը կոչել տուաւ . այս արգոյ եւ պատկառելի քահանայիս քով գտնել յուսալով այն խրատներն ու միսիթարութիւնը՝ որուն անհրաժեշտ պէտք մը կ'զգար . միայն այս անձիս առջեւ բացաւ իր միրաց բոլոր այս արկածիս վրայ , շատ անդամ հեծեծանօք եւ արտասուօք ընդմիջեալ պատմեց անոր իթայի բոլոր պատմութիւնը , եւ հազորդեց անոր առանձնութեան մէջ մնալու համար ըրած որոշումը :

Հետեւեալ օրը մեկտեղ ճամբայ ելան բարի զինակրին առաջնորդութեամբը, որն որ զգեստներ եւ պաշար առած էր հետն իթայի հսմար :

Բարեպաշտ կոմսուհին աղօթքը վերջացընելու վրայ էր, երբ ասոնք հասան . սպասաւորին բերած զգեստները հագնելով խրձիթէն ելաւ եւ եկաւ ուրախութեամբ ողջունելու իւր ամսւսինը եւ մատուանապեաը : Հենրիկոս հարցուց թէ հանգիստ անցուցե՞ր էր զիչերը, եւ թէ փոփոխութիւն մը ըրած էր իր որոշմանը . իթա պատասխանեց որ Աստուծոյ շնորհիւը եւ անոր աստուածային ողորմութեան վրայ վստահութեամբ լըցուած՝ կը յուսար հաւատարիմ մնալ իւր ուխտին :

Այն ատեն մատուանապետը խօսելու սկսելով խնդրեց կոմսուհին որ իրեն յայտնէ ըրած ուխտը, որպէս զի կարենայ հասկնալյանձն առած պարտաւորութեանց չափն ու սահմանը :

Իթա յարգելով բարի երիցուն խօսքը՝ իսկոյն հնազանդեցաւ, եւ կրկնելով անոր առջին արգէն իւր ամսւսնոյն խօսածները՝ յաւելցուց ըսելով .

« Կը տեսնէք, հայր իմ, որ այսպիսի խօսում մը նուիրական է, եւ պէտք չէ երբէք զանց առնել զայն :

— « Այդ ստոյգ է, պատասխանեց մատուանապետը, քիչ մը ատեն ըսութեամբ մասածելէն վերջը . այդ խօսումը՝ իրաւացի եւ յարգելի է . անշուշտ ընդունած է զայդ երկինք, եւ ես կը յորդորեմ զձեղ հաւատարմաբար կատարել . սակայն բարեհածեցէք ունկն մատուցանելու քանի մը դիտողութեանց՝ զոր իմ վիճակս եւ փորձառութիւնս պարտք

կը գնեն վրաս ձեզի ընելու . այնուհետեւ դուք ինքնին կը դատէք թէ ձեր մնացեալ կեանքն Աստուծոյ ծառայութեան նուիրելու համար ըրած խօսուումնիդ կարելի չէ՝ արդեօք այս անապատէս դուրս ուրիշ տեղ մը կատարել, որ գուցէ աւելի արդիւնաւոր ըլլայ ձեր հոգւոյն համար :

« Դուք ուխտած էք Աստուծոյ համար ապրիլ առանձնութեան մէջ . բայց միթէ կարելի չէ՝ առանձնակի ապրիլ ձեր նմանիներէն սակաւ հեռաւոր ապաստանարանի մը մէջ, որպէս զի հարկ եղած ատեն անոնց օգնութիւնն ընդունիք . ինչպէս ամէն մարդիկ նոյնափէս եւ հրամանքնիդ պարտաւորեալ էք պահպանելու ձեր կեանքն իրբեւ պարզեւ մը՝ զոր Աստուած շնորհած է ձեզ՝ անոր բոլոր պառուզը իրեն դարձընելու համար :

« Ո՛րչափ աւելի ապրինք, այնչափ աւելի արժանիք եւ բարեպաշտական գործքեր կրնանք դիպել երանական յաւիտենականութեան հեշտութեանց եւ բերկրութեանց արժանի ըլլալու համար . այսպէս առանց ձեր ուխտին գործելու ոչ թէ միայն ներեալ է ձեզ մարդոց մերձենալ, այժմ՝ որ կարող էք նոյն ընել առանց վտանգի, այլ նաև այնպէս կը կարծեմ որ այս բանս պարտք մըն է ձեզի . որպէս զի կարող ըլլաք աւելի երկար ատեն ծառայելու Աստուծոյ աշխարհի վրայ . արդարեւ որն է կրօնական պարտիքը կատարելու լաւագոյն եղանակը . մեր Փրկիչը ինք սորվեցուց զայն մեզի :

« Յիշեցէք Սուրբ Աւելտարանին այն խօսքը այն մարդուն համար որ Յիսուսի մօտեցաւ եւ հարցուց . « Տէր, ինչ պէտք է ընեմ յաւիտենական կենաց ար-

ժանի ըլլալու համար . եւ Յիսուս իրեն պատասխանեց :

« Ամէն բանէ աւելի զԱստուած սիրէ , այս է պատուիրանաց առաջինն եւ ամենէն մեծը . նոյն-պէս սիրէ քու ընկերդ քու անձիդ պէս . այս է երկրորդ պատուիրանքը բոլորովին նման առաջնոյն . եթէ կատարես այս երկու պատուիրանքները՝ յաւիտենական կեանք կ'ընդունիս :

« Ուրիշ պարագայներու մէջ ալ շատ անդամ մարդացեալն Աստուած կրինեց այս պատուէրները ըսելով թէ գթութեան եւ ողորմութեան գործերը յաւիտենականին ընծայուելիք ամենէն հաճոյական նուէրներ են . վասն զի Աստուած մեր երկնաւոր հայրը մեծ ուրախութիւն կ'զգայ երբ կը տեսնէ մարդու մը՝ իւր նմանի եղբարց բարիք ընելը :

« Սրդ , Տիկին , հրամանքնիդ չէք կրնար այս Սուրբ պարտիքը կատարել այս առանձնութեան մէջ . եւ եթէ ձեր կեանքն Աստուծոյ ծառայութեան նուիրելու որոշումն ըրած էք , ուրեմն պարտական էք ընտրել ձեզի անանկ բնակութիւն մը՝ ուր կարենաք համաձայնիլ իր կամացը , օգնելով ձեր ընկերին եւ ձեր առաքինութիւններովը բարի օրինակ հանդիսանալով :

Ինչպէս որ Հենրիկոս առաջին օրը իթայի որոշման դէմ առարկելու բան մը չէր գտած , նոյնպէս ալ իթա բարի մատուանապետին խօսքերուն դէմ առարկելու բան մը չգտաւ . սակայն իսկոյն թօթափելով իւր վարանքը՝ ըստ պատկառելի քահանային :

« Կը ճանչնամ ձեր Սրբութեան ինձի յիշեցուցած

մեծ ձևմարտութիւնները , եւ այն բոլորանուէր հնազանդութիւնը՝ զոր պարտական եմ յայտնելու հաւատոյ պաշտօնէի մը . սակայն շատ տարիներէ ի վեր սովորած ըլլալով ո՞ր եւ է բանի մը չ'ձեռնարկելու առանց ջերմեռանդ մոածութեամբ մը Աստուծոյ կամքը հասկնալու , ուստի կը խնդրեմ , չայր իմ , որ ինձմէ անմիջական պատասխան մը չպահանջէք այսպիսի ծանր գործի մը համար . վաղը ձեզի կը յայտնեմ՝ Անոր աղօթքի մէջ ինձի ներշնչածը :

Մատուանապետը հաւանեցաւ այս խօսքիս , վասն զի ապահով էր կոմնուհեցն որոշմանը յաղթած ըլլալուն վրայ :

Հետեւեալ օրը Հենրիկոսի հետ գարձաւ անտառին ճգնարանը , եւ մեծ բերկութիւն իմացաւ երբ լսեց որ կոմնուհին պիտի թողու այն անապատը : Հենրիկոս հարցուց թէ ո՞ւր կ'ուզէր կանգնել իր վանքը :

Իթա իր առանձնութիւնը հաստատեց Ֆիշէնկէնի վանքին մօտերը Օ կոչուած փոքրիկ հովտի մը մէջ : Բայց իմացուց իւր ամեւանոյն որ փոքրիկ եւ խոնարհ բնակարան մը կուզէր , կենաց խիստ հարկաւոր եղած դիւրութիւններն ունենալու համար :

Կոմնն ալ պարտաւորեցաւ ասոր հաւանելու եւ մատուանապետը իր վրայ առաւ նոր ճգնարանին աշխատութեանց վրայ հսկելու հոգը . եւ պատուէր առուաւ իթայի որ իւր առաղջութիւնը չ'վիսէ խստութիւններով եւ անխորհուրդ զրկումներով :



ՀՈՎՏԻՆ ՃԳՆԱՐԱՆԸ

Խիստ սրտաշարժական էր այս խեղճ խրձիթիս տեսարանը՝ ուր Թօկէնապուրկի կոմսուհին տասն եւ եօթն տարի ապրեր էր ամենատխուր առանձնութեան մը մէջ։

Մամուռէ չինուած խեղճ խշաեակ մը՝ որ գիշերուան համար իբր անկողին եւ ցերեկուան համար իբրեւ նստարան կը ծառայէր, երկու փսիաթ՝ զոր մեծ արհեստիւ եւ համբերութեամբ հիւսած էր իբրեւ վերմակ, փայտի կտորներ փորուած իբր անօթ, քանի մը կեղեւէ շինուած սակառիներ իր գձուձ պաշարները պահելու համար. ահա ասոնք էին միանձնուհոյս ունեցած բոլոր կարասիքը։

Այն անպանոյն փայտեայ փոքրիկ խաչը՝ զոր չենրիկոս կախուած տեսաւ խրձիթին ներսը, անանկ յարդանք մը ազդեց իրեն, որուն նմանը չէր զգացած Թօկէնապուրկի մատուան մէջ փայտող ոսկեցօծ խաչելութեանց առջեւ. ծունդ կրկնեց այս մարդկային փրկութեան սուրբ նշանին առջեւ։

Իթա իւր հիւրերուն ընծայեց իւր սովորական կերակուրէն քիչ մը բան՝ քանի մը պտուղ եւ մերձակայ աղբիւրին ջուրը. վերջը իւր ամուսնոյն եւ մատրանապետին սաստիկ թախանձնանցը զիշտնելով պատմեց իրեն սրտահածը իր ամուսնական մատանւոյն կորստենէն առաջ, եւ Դոմինիկոսի

թշնամանքը՝ զոր գաղտնի պահած էր, զանի պատիմէ աղատելու համար։

Ս.յս պատմութիւնս միանալով կոմսին կանխաւ գիտցածներուն հետ, Հենրիկոս կատարեալ տեղեկութիւն ստացաւ այն ատելութեան եւ հալածմանց վրայ՝ զոր Դոմինիկոս ունեցած էր իր երիտասարդ տիրուհւոյն դէմ։

Սակայն արեւը կ'սկսէր խոնարհիլ. Իթա ինքն իմացուց իւր հիւրերուն որ մեկնելու ժամը հասած էր։

Թօկէնապուրկի կոմսը դղեակը վերադառնալուն ոլէս՝ մեծ սրահի մը մէջ ժողվել տուաւ իր բոլոր ծառայները եւ իմացուց անոնց որ կոմսուհին դեռ ողջ էր. թէ Սատուած անոր կեանքը վրկած էր անձառելի հրաշիւք. եւ թէ ինքը գտած էր զանի բարեբաղդութեամբ. յետոյ արտասուալից աչօք հրապարակաւ յայտնեց անոր անմեղութիւնը, եւ ողբաց այն աղբատալի անիրաւութեան վրայ՝ որով յանցաւոր եղած էր անոր առջին։

Գորովանաց եւ ուրախութեան արտասուալներ հոսեցին բոլոր ներկայից աչքերէն, երբ սկսաւ թողութիւն խնդրել իրենց դէմ ունեցած զայրութից եւ բոնութեանց համար։ Ս.յս հաւատարիմ ծառայները օրհնութեամբ կը պատասխանէին իրենց տիրովը, եւ նզովք կը կարդային նենդաւոր Դոմինիկոսի դէմ։

Կոմսը առանձնանալին առաջ անոնցմէ շատերուն ապսալից որ հետեւեալ առատուն բոլոր երկրին մէջ տարածեն Իթայի վերադարձին այս ուրախաւէտ լուրը։ Սուրհանդակ մը խրկուեցաւ

Քիրքպէրկի դղեակը՝ կոմսուհւոյն ծերունի ծնողաց խորին վշտացը վերջ եւ վախճան տալու . Հենրիկոս իւր սաստիկ վիշտերն ու զղումը յայտնելով կը յուսար որ իթայէն աւելի խստասիրտ չեն ըլլար իրեն դէմ՝ որն որ ներեր էր իրեն վեհանձնաբար :

Հետեւեալ օրը արշալուսին սուրհանդակը ճամբայ ելնելով, կոմսը իսկոյն կոչել տուաւ վարպետ ճարտարապետ մը եւ հարկաւոր եղած գործաւորները . գնաց աննոց հետ Օյի հովիտը, որաէս զի ցուցընէ շինուելիք ճգնարանին տեղը, մեծութիւնը եւ բաժանումը :

Աշխատող գործունէութիւնը վառելու համար պարգեւներ խստացուեցան, եւ տիրոջ հանապազորեայ հսկողութիւնը փութացուց այս փոքրիկ չնքիս կատարումը :

Այս միջոցիս Հենրիկոսի եւ մատրանապետին՝ առ իթա ըրած այցելութիւնները կարճատեւ կըլլային . վասն զի կոմսը անհամբերութեամը կ'ուզէր զանի տեղաւորել հանգիստ բնակարանի մը մէջ . եւ կը վախնար որ իւր բացակայութիւնը պատճառ չըլլայ յապաղման :

Այնչափ մեծ եղաւ իր ջանասիրութիւնը՝ որ ճգնարանը մէկ ամսուան մէջ բոլորովին լինցաւ ճիշդ այն միջոցին՝ որ իթայի ծնողը Քիրքպէրկէն եկան այն սուրհանդակին հետ՝ որ իրենց տարած էր թօկէնսուրկի կոմսուհւոյն վերադարձին եւ անոր անմեղութեան հանդիսաւորութեամը հոչակուելուն աւետիսը :

Նոյն օրը Հենրիկոս գործաւորաց հետ կ'զբաղէր իր ամուսնոյն բնակարանին ներքնակողմը պատրաս-

տելու . շինել տուեր էր խիստ գեղեցիկ պարտէզ մը, եւ իւր խնամօքը առատ պաշար լեցուց, որպէս զի բարեպաշտուէին իթա աւելի առողջաբար սնունդ մ'ունենայ, եւ իւր աւելորդէն բաժին հանէ կարօտելոց :

Երբ թօկէնալուրկի կոմսին ծանուցին իր կնոջ ծնողաց գալուստը, խկոյն դղեակը գնաց զանոնք ընդունելու . բայց սիրու խոռոչութեամբ եւ դառն յիշաակներուլ լցուած ըլլալով, կ'երկնչէր որ խիստ յանդիմանութիւններ պիտի լսէ անոնցմէ . ուստի զանոնք տեսնելուն պէս ոսուրնին ինկաւ եւ թախանձանօք աղաչեց որ անցեալին համար ներողամիտ ըլլան իրեն, թէեւ բոլորովին անարժան ալ ըլլար ներողութեան :

Բայց իթայի ճնողքն իր ակնկալութեանը հակառակ բարեսիրութեան եւ մոռացութեան զգացումներով եկած էին . վեր առին Հենրիկոսը եւ ապահովեցին զինքը որ բնաւ ոխակալութիւն մը չունէին իրենց սրախն մէջ, եւ չնորհակալ եղան իւր անցեալ վարմունքին անիրաւութեանը մասամբ իւրիք դարման տանելուն համար . վերջը տեղեկութիւն խնդրեցին թէ երբ կրնային գըկախառնիւ իթայի հետ :

Դեռ պատասխան չտուած Հենրիկոս՝ որուն համար իթայի ամենափոքը փափաքները անբոնաբարելի օրէնքներ եղած էին, բոլոր ներկայ գտնուողները հեռացուց, մինչեւ անգամ մատրանապետը եւ իւր հաւատարիմ զինակիրը . վերջը իմացուց Քիրքպէրկի իշխանաց որ հետեւեալ օրը կոմսուհին պիտի տեղաւորուէր իր ընտրած ճգնարանին մէջ

եւ թէ բարեպաշտ միանձնուհին մեծ ուրախութիւն պիտի զգայ երկար բացակայութենէ մը վերջը զիրենք կրկին տեսնելուն եւ իր նոր բնակարանին մէջ իրենց ներկայութեամբը հաստատուելուն համար . ըստ նաեւ որ իր ամենասիրելի փափաքն էր մեծ հանդիսաւորութեամբ կատարել այս բնակարանի փոխութիւնը . բայց իթա յատկապէս պահանջած էր իրմէ որ այս սուրբ առանձնութեան նուիրեալ արարողութիւնը բնաւ փառաւոր ցոյց մը չունենայ :

Հետեւեալ օրն ինքը պիտի երթար անտառին ճգնարանը , հետն առած միայն մատրանապետը եւ զինակիր մը , եւ որովհետեւ նուիրական պարաք կը համարէր իրեն իր ամուսնոյն ամենափոքր փափաքները յայտնել , մարդու յայտնած չէր 0յի հովիտն երթալու գաղտնիքը , իթայի ծնողքը միայն տեղեակ եւ հաղորդ էին այս գաղտնեաց , եւ կանխաւ հոն պիտի երթային՝ կոմսուհին եկած ատեն ընդունելու համար :

Հենրիկոս չմոտցաւ երկարօրէն պատմելու իրենց աստուածային բարութեան հրաշալիքը , որով պահպանուած էր անտառին մէջ իթայի կեանքը . չէր դադարեր ներբողելէ անոր հրաշալի բարեսպաշտութիւնը եւ մեծամեծ առաքինութիւնները . Քիրքպէրկի բարեսիրտ բնակիչներն ալ մտիկ կընէին այս պատմութեանց գորովալիր հետաքրքրութեամբ :

Սյո խօսակցութեանց վերջ տալու համար հարկ եղաւ որ առաքինի մատրանապետը գայ ինքը ծանուցանէ թէ ժամանակ էր հանգստանալու , հետեւեալ օրն արշալուսին ճամբայ ելնելու համար :

Իթա ալ իր կողմէն այս օրուան սպասելով անդադար գոհարանութիւններ կը մատուցանէր Աստուծոյ՝ իր կենաց վախճանին համար , կօրհնէր զշենրիկոս որ իրեն կը մատուցանէր զինքը Աստուծոյ նուիրելու եւ խղճակեաց եւ վշտացելոց օդ-նութեան հասնելու համար ունեցած եռանդուն փափաքները կատարելու ամէն միջոցները :

Թօկէնսուրիի կոմսը որչափ ալ զգուշութիւններ ըրած էր որ իթայի նոր ճգնարանն առանձնանալը անձանօթ մնայ երկրին լնակչացը , բայց Աստուածուզեց որ անոր՝ իւր խրձիթէն մեկնելու ժամը յաղթանակ մ' ըլլայ իւր առաքինութեան եւ զարմանալի Նախախնամութեան համար՝ որ այնչափ երկար ատեն հոկեր էր իր վրայ :

Իրաւացի է որ այսովիտի մեծամեծ օրինակներ չնորհուին երրեմն մարդոց՝ բարեպաշտ հոգիները խրախուսելու համար որ յարաւեւեն այս կենաց փորձութեանց ճանապարհին մէջ :

Երբ կոմսը ճամբայ ելաւ մատրանապետին եւ զիթան գտնող հաւատուարիմ զինակիրին հետ , անտառին եղերքը տեսաւ բազմաթիւ մարդիկ որ իրեն կ'սպասէին , եւ իրեն հետեւեցան հեռուէն յարգանօք . ուրիշ անձինք ալ կը պատահէին Հենրիկոսի ճամբուն վրայ . եւ երբ խրձիթին մօտեցաւ եղեւիններուն տակը , տեսաւ ծաղկապսակ եւ տօնական զգեստ հագած գիւղացի . երիտասարդուհեաց խումբ մը՝ որ խաչին առջեւ ծունը կրկնած երկիւղածութեամբ կը դիտէին զկամսուհին :

Բոլոր հանդիսականք գորովեցան այս կլօնական

տեսարանէս . արտասուքներ կը հոսէին ամենուն աչքերէն . եւ այս ընդհանուր սրտաշարժութեան մէջ իթա միայն հանդարտ կ'երեւար եւ կը ծափէր երկնային երանութեամբ . իւր դէմքն անմեղութեան եւ սրբութեան պատկեր մը կընծացէր :

Անձնար էր առանց խորին սրտաշարժութեան նկատել իր երկար թշուառութեան հետքերն՝ որով գեռ շրջապատեալ էր . եւ իւրաքանչիւր ոք կը լցուէր անձառելի ուրախութեամբ , մոտածելով որ այն վշտակրութիւնները վերջ մը պիտի ունենային . չին կրնար յագենալ դիտելով իր քաղցրութեամբ եւ երկայնմատութեամբ դրոշմեալ դէմքը . լաելով իր խօսքերը՝ որ իր սրտին նման լի էին աստուածային միրալ , իր ծնողքը հազիւ կը կարենային կենալ քովը եւ խօսք մը ուղղել իրեն , իւրաքանչիւր ոք փափաքելով իրեն մօտենալու :

Սյապէս խեղճ իթան՝ որն որ բոլոր աշխարհէ մերժուած , զուրկ ամէն օգնութիւնէ եւ ամէն երկրային պաշտպանութենէ , միայնակ եկեր վայրենի անտառի մը մէջ հաստատուեր էր մոռացութեան մէջ , այսօր կ'ընդունէր իր տասն եւ եօթն տարուան համբերութեան եւ արիութեան մրցանակը . իւր ծնողքն եւ ամուսինը շրջապատած էին զինքը ոչ թէ միայն սիրով եւ գորովով , այլ զարմացման եւ յարգանաց զգացմամբ . ուրախալից բազմութիւն մը պատրաստի կեցեր էր , այս առանձնութենէն ուրիշ աւելի հանդիսատ օթեւան մը երթալու միջոցին՝ իրեւ սրբուհւոյ մը՝ յաղթանակաւ իրեն ընկերանալու համար :

Երբ Քիրքպէրկի բնակիչները գորովալիր հե-

տաքրիքութեամբ կը քննէին իթայի կանգնած այս խրձիթը եւ չինած խեղճ կարասիքը , գիւղացիք ուզեցին իրեւ սուրբ նշխարներ իրենց հետ տանիւ անոր գործածած մէկ քանի կառը բաները . իթաինքը վար առաւ այն փայտեայ խաչելութիւնը՝ որուն առջեւ այնչափ երկար ատեն արտասուեր եւ աղօթեր էր . յետոյ վերջին հայեցուածք մը արձակեց այս միայնութեան ապաստանարանիս վրայ՝ զոր Սատուած իրեն չնորհեր էր իւր տառապանաց օրերուն մէջ , եւ ամենաքաղզը նոր արտասուքներ թանացին իր արտեւանունքը :

Ծունք կրինեց , եւ բոլոր հանդիսականք պարապած իւր չուրջը , եկեղեցական օրհնութիւնն մը երգեցին՝ զոր անտառին արձագանքը հնչեցուց մինչեւ հեռուները :

Երբ ոտքի ելաւ , երիտասարդ գիւղացիք որ իսկոյն եղեւինի ճիւղերէ գահաւորակ մը չիներ էին , դրին զինքն իր կամացը հակառակ այս յանալարաստից կազմուած գահուս վրայ , եւ ճամփայ ելան 0յի հովիտն երթալու :

Ժողովուրդը մէկ կողմէն կը դիմէր , բազմութիւնը երթալով կ'աւելնար , ծերունիք կրթնած իրենց թոռանցը վրայ ընդ առաջ կ'ելնէին սրբուհւոյս , անգամ մըն ալ դիտելու եւ տեսնելու իրենց ազնիւ իշխանուհին . տեսնելով զիթա միշտ խոնարհ եւ չնորհալի , իւր փայտեայ խաչը թեւերուն մէջ բռնած , կ'ողջունէին զանի իրենց օրհնութիւններովը եւ չնորհակալ կ'ըլլային Սատուծոյ իրենց մահուընէն առաջ այսպիսի գեղեցիկ օր մը ցուցընելուն համար . տղայք եւ կանայք ծաղիկներ կը նետէին

Խթայի վրայ, եւ ճամբուն ամէն կողմը լցուած էր
ծաղկեալ տերեւներով:

Այս կերպով հասան Օյի հովիաը . այն գործա-
ւորները՝ որ Հենրիկոս կոմին հրամանաւը կանգ-
նած էին ճգնարանը, իրենք իրենցմէ շիներ էին
յաղթական կամար մը, եւ փոքրիկ մատրան զան-
դակառունը կը հնչէր ուրախական ձայներով:

Երբ իթա իջաւ այս օրհնեալ բնակարանին
դուռը՝ զօր կու գար սրբագործելու, անգամ մ'ալ
գարձաւ իր հպատակաց վրայ նայեցաւ, չնորհա-
կալ եղաւ սրտաշարժութեամբ իրեն մատուցուած
սիրոյ ցոյցերուն համար, եւ խոստացաւ անոնց՝ ա-
մէն օր աղօթել Աստուծոյ իրենց բարօրութեան
համար . վերջը մտաւ տնակը՝ ուր ընկերացան իրեն
իւր ամնալինն եւ ծնողքը թօկէնապուրկի մատրա-
նապետին հետ:

Սակաւագէտ ճաշ մը պատրաստուած էր . բայց
իթա բնաւ չուզեց ուտել իրեն մատուցուած կե-
րակուրները, եւ շատացաւ քանի մը պատուզով եւ
քիչ մը ջրով. որովհետեւ այս սննդեան սովորած
էր անապատին մէջ :

ԳԼՈՒԽ ՃԴ.

ՀՐԱԺԱՐԱԿԱՆ ՈՂԶՈՅՆ

Օրն իրիկուն եղաւ, եւ գեռ իթայի չուրջը
պատած էին իր ընտանիքը, չկրնալով անկէ բաժ-

նուիլ. սակայն հարկ եղաւ այս վերջին զոհողու-
թիւնս ալ ընել. կոմուէհին՝ տխուր բայց համբե-
րատար կերպով յիշեցուց իրենց այն խոստումը՝
զոր Աստուծոյ ըրած էր այնուհետեւ աշխարհի հա-
մար չապարելու, եւ աղաչեց իրենց որ զինքը տես-
նելու գալք հրաժարին, միայն եթէ իրենցմէ մէ-
կուն համար գթութեան գործ մը ընելու բաւէ,
իրեն դիմեն. որովհետեւ չէր կրնար ընկերին ծա-
ռայութիւնն Աստուծոյ ծառայութենէն խարել.
վերջը փափաք յայտնեց որ իւր ամուսինը որոշեալ
ժամանակներ նոր պաշար խրկէ իրեն, իրեն այցե-
լութեան եկող կարօտելոց բաժնելու համար . ու-
զեց նաեւ պարզ բայց տաք պահող կերպաներ,
անոնց զգեստ շինելու համար :

Այս փափաքներս կանխաւ ընդունուած էին
կրոնէն, որ խօսք տուաւ անկէց ետքն ալ չարու-
նակել այս բարեգործական նուէրները :

Երբ բաժանման ժամը հասաւ, ամէնքը յանձ-
նելով զիրենք իր բարեխօսութեանը եւ առ Աստ-
ուած մատուցած աղօթիցը, մեկնեցան արտաս-
ուալից աչօք :

«Երթայք բարեաւ, կըսէր անոնց՝ ծանրաբայլ
հեռանալին դիտելով. երթայք բարեաւ մինչեւ
յերկինս, վասն զի հոն կրկին տեսնուելու քաղցր
եւ հաստատուն յոյսն ունիմ. առ այժմ երջանիկ
ապրեցէք եւ սիրեցէք իմ յիշատակս :

«Մնա՞ բարեաւ, հրեշտակայինդ իթա, Աստ-
ուած հետդ ըլլայ, պատամանեց մատրանապետը :

Միւսները մեկնեցան լալով, բառ մը արտասա-
նելու սիրտ չունենալով:

Իթայի ծնողը դարձան իրենց քիրքալէրկի գլեակը :

Թօկէնպուրիկի Հենրիկոս կոմնը միայնակ ապրեցաւ իր դղեկին մէջ . ամէն օր զիթան մտածելով եւ ջանալով իր բարի գործերովը քաւելու իւր անցեալ պակասութիւնները :

Քիչ տարի վերջը մեռաւ մեծ վիշտ սկատառելով իր ժողովրդոց . իթա ողբաց զանի սրբարար , երբէք մէյ մ'ալ չէր տեսեր զանի Օյի հովտին ձըդնարանը մտնելէն ի վեր . բայց իւր մահուանէն վերջը փոխադրել տուաւ զանի փոքրիկ մատուռին մէջ , ուր պարզ գերեզման մը կանգնուեցաւ , եւ ամէն օր կ'աջօթէր Աստուծոյ անոր հոգւոյն համար :

ԳԼՈՒԽ ԺԵ.

ԸՆԿԵՐԱԿԱՆ ՍԷՐ

Քանի մը ժամ հանդստանալէն վերջը իթա գեշերն ելէր էր աղօթելու համար :

Երբ արշալցա եղաւ , ուրախութեամբ տեսաւ իր աղօթարանին մէջ գեղեցիկ խաչելութիւն մը , Ս . Աստուծածնի սքանչելի պատկեր մը , եւ մենակեաց Սրբոց կենաց գլխաւոր գործերը ներկայացրնող պատկերներ :

Ճգնարանին փոքրիկ պարտէջը զարդարուած էր ծաղիկներով եւ պտղատու ծառերով . իթա ժամանեց որ կրնար իր պիտոյքը հայթայթել զայն

մշակելով , եւ բոլոր իրեն խրկուած բաները նուիրել ի մսիթարութիւն աղքատաց . վասն զի գիտէր որ Քրիստոնէի մը՝ Ս.ստուծոյ մատուցանելիք ամենէն հաճոյական պաշտօնը կը կայանայ գթութեան գործոց վրայ՝ որով կ'օգնէ մարդ իր ընկերին , մսիթար կը կանգնի այրուոյն , որբոյն եւ թշուառաց :

Իւր անտառին մէջ վարած կեանքէն սորված էր փորձառութեամբ թէ որչափ օգտակար է կարօտելոց իրենց չնորհուած ամենասկար օգնութիւններն անդամ :

Ս.յ բարի մտածութիւններով զբաղած սկսաւ ժողվել ելակ , սալոր , թութ եւ ուրիշ պտուղներ որ առանց մշակութեան կ'ամին անտառաց եւ ցանկերու մէջ . այս պարզ պաշարներն իրեն համար բաւական պիտի ըլլային , եւ բոլոր ունեցած լաւագոյն բաներն աղքատաց բաժինն եղան :

Յաճախ այցելութեան կ'ելնէր գրացեաց տուները , վշտացելոց կամ հիւանդաց բնակարանները , ինքն իր ձեռօքը կը պատրաստէր անոնց վիճակին հարկաւոր եղած ըմպելիներն ու գեղերը . եւ կը քաջալերէր զանոնք քաղցր եւ բարեպաշտական խօսքերով :

Ս.յն օրը՝ զոր բոլորովին անցուցած էր այլոց արտասուքները սրբելով եւ վիշտերնին ամոքելով , իւր ամենէն երջանիկ օրը կը համարուէր :

Ճգնարանն եղած ատեն աղօթքի կը պարապէր . եւ անոր մէջ կը գտնէր իր զօրութիւնն եւ ամենասիրելի հեշտութիւնները . վերջը ընկերին օգտակար աշխատութեանց կը պարապէր :

Ֆիշէնիչնի կուսանաց վանքը մօտաւոր ըլլալով

ամէն օր արեւուն ծագումէն առաջ հոն կ'երթար՝ ներկայ գտնուելու կուսանաց երգած առաւոտեան երգոց ։ վերջը պատարագ կը աեսնէր զարմանալի ջերմեռանդութեամբ :

Աւետարանի ընթերցուածքը իրեն կը յիշեցը նէր մեր Փրկչի աստուած ային վարդապետութիւնները ։ այս սուրբ խորհրդոյս միւս աղօթքները սիրով եւ երախտագիտութեամբ կը լեցընէին իր սիրալ Յիսուսի Քրիստոսի բարերարութեանց համար ։ Սուրբ Հալորդութեան ատեն՝ զոր ամէն տօնի օրերը կ'ընդունէր, կզգար անձաւելի երջանկութիւն մը՝ որ է նախաճաշաշակ այն յաւիտենական երանութեանց՝ որ պահուած են ընարելց յերկինս :

Սյատէս շատ տարիներ անցան աղօթից եւ ընկերական ծառայութեան անձնուիրութեան մէջ ։ այսպիսի սուրբ կեանքի մը համբաւը հետզհետէ կը տարածուէր, եւ օր ըստ օրէ կ'աւելնար ուխտաւորաց բազմութիւնը՝ որ հեռաւոր տեղերէ կու գային զիթան տեսնելու եւ իրմէ խրատ եւ միսիթարութիւն խնդրելու :

Ո'վ որ այցելութիւն ընէր իրեն՝ զարմացմամբ լցուած պիտի մեկնէր :

Ֆիշէնկէնի վանքին կուսանքը՝ որ ամէն օր կը տեսնէին զինքն իրենց եկեղեցւոյն մէջ, եռանդեամբ կը փափաքէին իրենց մէջ ունենալ այսպիսի տմենահազուագիւտ առաքինութեանց օրինակ մը, ուրուն ներկայութիւնը պիտի հրաւիրէր միաբանութեան վրայ մեծամեծ օրհնութիւններ. եկան թօհէնսպուրի կոմսուհւոյն յայտնեցին իրենց միաբանական իղձերը, եւ աղաչեցին որ չպահանայ իրենցմէ

այս չնորհս, ընծայելով իրեն վացելուչ բնակութիւն մը՝ զոր կարող էր տնօրինել իր կամաց համեմատ :

Իթա առջի բերան չհաւանեցաւ իր ճգնարանէն բաժնուելու . կը վախնար որ միաբանութեան մը կանոնաւոր կեանքն արգելք չըլլայ իրեն գթութեան գործոցը՝ զոր չէր կրնար զանց ընել. սակայն խօսք առնելով որ այս մասին կատարեալ ազատութիւն պիտի ունենայ, թողուց իր անորոշութիւնը, մոտածելով որ կրնար ասկից իւր կենաց համար մեծամեծ օգուտներ ծագիլ:

Ծերութիւնն սկսեր էր զինքը տկարացընել, եւ տասն եւ եօթն տարուան անլուր զրկմանց մէջ կրած վիշտերով վազաժամ անկարութեան մը մատնուեր էր :

Աւտուըները մէծ գժուարութեամբ կ'երթար ֆիշէնկէնի եկեղեցին, եւ իր ուժը՝ որ յայտնի կերպով կը նուազէր, ալ թոյլ չպիտի տային այնուկետեւ իրեն, մի եւ նոյն գործունէութեամբ պարապելու իր գժուարին աշխատութեանց :

Ուստի Ֆիշէնկէնի բարի կուսանաց թախանձանցը մէջ Աստուծոյ կամքը նշանակել կարծէլով՝ ընդունեց առաջարկութիւննին եւ առանձնացաւ անոնց վանքին մէջ :

ԳԼՈՒԽ ԺԶ.

ՄՐԲՈՒՇԿՈՅ ՄԸ ՎԵՐՁԻՆ ԺԱՄԸ

Իթայի վերջին տարիները կատարեալ սրբութեան մը հայելին եղան :

Ստոյգ չգիտցուիր թէ իթա մայրապետութեան
ուխտ ըրած ըլլայ ֆիշէնկէնի միաբանութեան մէջ :
Բայց պատմութենէն կը սորվինք որ իւր առաքի-
նութեամբը մէծ պատիւ ունեցաւ մինչեւ իւր վեր-
ջին օրը :

Այս միջոցներուս գրեթէ սովորական բան մըն
էր տեսնել բարեպաշտ անձինք՝ որ վանքի մը խորը
աշխարհէ առանձնացած ասլիլը բաւական չհամա-
րելով, արտաքոյ կարդի միջոցներ կը փնտոէին ա-
մէն բանէ բովանդակապէս բաժնուելու, Աստուծոյ
հետ աւելի անձկարար յարելու համար . ոմանք կը
փակուէին ամէն կողմէն որմապատ խղիկներու մէջ,
որ միայն նեղ լուսանցոյց մը կ'ունենային, եւ ան-
կից կ'ընդունէին իրենց սնունդը . ասոնք բաժ-
նուած կ'ապրէին միւս կրօնաւորներէն, ինչպէս
այս կրօնաւորներն ալ հրաժարած կ'ապրէին աշ-
խարհէ :

Նման մարտիրոսացեալ Վիրօրադէ սուրբ կու-
սին՝ որ պայծառացուց սուրբ Գաղոսի աբբայարա-
նը, Ֆիշէնկէնի շատ կուսանք այս խստամբերու-
թեան միջոցն ընտրած էին :

Երբ իթա այլոց օգտակար ըլլալու զօրութիւնը
կորոյս, բաժնուեցաւ միաբանութենէն սովորական
արարողութեամբ, եւ փակուեցաւ փոքրիկ փապա-
րի մը մէջ՝ ուսկից մէյմ'ալ կենդանի ելնելիք չու-
նէր :

Հոն անցուց իր ժամանակը լուսութեան եւ ամ-
փոփման մէջ, եւ աստուածային հայեցողութիւնը
կը գրաւէր բոլոր իր մոտածութիւնները . շատ ան-
գամ իր հոգին Փրկչի սուրբ սիրովը վառուած կը

բարձրանար մինչեւ յաւիտենականին Աթոռը, եւ
կանխաւ կը վայելէր սրբոց բերկրութիւնները : Երբ
այս հիացումները կ'անցնէին, ցաւ կ'իմանար տես-
նելով որ դեռ իր մարմինը կապուած էր աշխարհի
հետ . սակայն համբերութեամբ կը հպատակէր աստ-
ուածային կամաց, եւ անկից կ'սպասէր իր ժամա-
նակաւոր վշտակրութեանց վախճանը :

Երբ ծերութեան տկարութիւնները կ'սկսէին
զինքը նեղել, կը մտածէր Յիսուսի Քրիստոսի ճրգ-
նաժամը Զիթենեաց պարտէցին մէջ եւ կ'աղաղա-
կէր, «Հայր իմ, եթէ հնար իցէ անցանել յինէն
բաժակիս այսմիկ, ասլա թէ ոչ արբից զսա, եղի-
ցին կամք քո» :

Թէպէտ եւ իթայի խղիկը բոլորովին կը բաժա-
նէր զինքն աշխարհէ, սակայն կուսանք յաճախ
ծնրադրելու կուգային իր փոքրիկ պատուհանին
առջեւ . եւ իթա կը խօսէր իրենց հետ Աստուծոյ
վրայ բոլորովին երկնային ճարտարախօսութեամբ
մը :

Հոգին աւանդելէն քիչ ժամ առաջ հանեցին
զինքն այս կենդանի գերեզմանէն . բերին Ֆիշէն-
կէնի եկեղեցին . եւ սեղանին առջեւ դրին յարդէ
եւ մոխրէ անկողինի մը վրան . բոլոր կուսանք
ծունը կրկնեցին իր բոլորակքը :

Իթա ընդունեց սուրբ Հաղորդութեան խոր-
հուրդը . քիչ մը վերջը իր զօրութիւնը վերանորո-
գելով, կէս մը ոտքի ելաւ, եւ ծանրու պատաշարդ-
ձայնով մը կրկնեց սուրբ օրհնութեան մը այս խօս-
քերը :

«Թող, տէր, որ աղախնոյդ հոգին մեկնի այս

աշխարհէս եւ դառնայ քու քովդ . ընդունէ՛ զայն
քու ողբանութեանդ ծոցը , որովհետեւ չատ վշտա-
կրեց քեզ հաւատալով եւ յուսալով » :

Վերջը չնորհակալ եղաւ կուսանաց իրենց բարի
ծառայութեանցը համար , խնդրեց որ զինքը չմոռ-
նան իրենց աղօթիցը մէջ , եւ գլուխը խոնարհե-
ցընելով հոգին աւանդեց :

Զինքը տեսնողները կը կարծէին թէ կը ննջէր
նա հոգնութեան երկարատեւ օրուցնէ մը վերջը .
աչքերը փակուած էին բայց հրեշտակային ժպիտ
մը կը փայլէր իր շրթանցը վրայ :

Մարմինը շքեզ գերեզմանի մը մէջ ամիսիոփուե-
ցաւ . բայց իւր յիշատակը յաւերժացընելու հա-
մար ոչ մարմարիոնի պէտք կար եւ ոչ պատուական
քանդակներու . իր առաքինութիւնները պիտի ան-
մահացընէին զինքը մարդոց սրտերուն մէջ :

Երանի՛ թէ այս պատմութեանո ընթերցողք
իր օրինակաւը համբերել սորվին թշուառութեան
եւ տառապանաց :

Իցիւ թէ չմոռնան երբէք թէ ներողութիւնն
ու թշնամանաց մոռացութիւնն են քրիստոնէական
սիրոյ յաղթանակները :





C.

23 372
23 373
23 374

12015

ՀՀ Ազգային գրադարան



NL0674230

ՀՀ Ազգային գրադարան



NL0674228

ՀՀ Ազգային գրադարան



NL0674229

